



**USAID**  
HUSI POVU AMERIKANU



**Polítika no Realizasaun V Governu Konstituisional  
Iha Seitor Siguransa 2012 -2015  
“Entre Susesu no Dezafiu”**

**Mahein Nia Hanoín Nú. 07, 29 Juñu 2015**



*Foto: Zania Ferreira, tinan 2014.*

**Relatoriu Fundasaun Mahein Nia Hanoín ne'e suporta husi povu Amerikanu liu husi  
Ajénsia Estados Unidos ba Dezenvolvimentu Internasional (USAID)**

**Vizaun husi autor sira ne'ebé expresa iha publikasaun relatoriu sira ne'e la reprezenta  
vizaun husi Ajénsia Estados Unidos ba Dezenvolvimentu Internasional (USAID)**

**Website: [www.fundasaunmahein.org](http://www.fundasaunmahein.org)**



## Kontuudu Sira

Kontuudu Sira	2
Sumariu Ezekutivu	3
Introdusaun	4
Metodolojia	4
Vizaun PEDN 2030: Faze Dahuluk 2011 – 2015 ba Seitor Siguransa	5
Realizasaun V Governu husi 2012 – 2015 iha Seitor Siguransa	5
1. Lejislasaun	6
2. Rekursu Umanu	11
3. Infra-estrutur	14
4. Kooperasaun Internasional	16
5. Polisiamentu Komunitariu no Prevensaun Konflitu	20
6. Jestaun Fronteira no Serbisu Migrasaun	22
7. Estabilidade no Siguransa Públiku	23
8. Polítika Integradu Defeza no Siguransa	24
9. Polítika Siguransa no Jeo-estrategjika Martima	25
Rekomendasaun	26
Bibliografia	28



## Sumariu Ezekutivu

Relatoriu ne'e nia fokus ba realizasaun V Governu Konstituisional nia realizasaun tuir vizaun Planu Estratejiku Dezenvolvimentu Nasional – PEDN 2011 – 2030 ba seitor siguransa. Iha ne'ebé atu atinji metas sira ne'ebé iha dokumentu ne'e tuir vizaun 2030 nian, difine tiha ona faze haat maka hodi alkansa.

V Governu Konstituisional asume nia mandatu hahu dezenvolve tuir PEDN nia haruka iha faze premeiru konsolidasaun instituisaun siguransa ba kurtu prazu nian 2011 - 2015. Nune'e konsentrasaun iha serbisu importante sira hanesan rekonstrusaun no reformasaun ba instituisaun intermus forma rekursu umanu, reforsa kuadru legal instituisaun no asuntu prevensaun krimi, investigasaun, siguransa públiku nomos kontrolu fronteira.

Ba forsa armada iha tinan 2011 – 2015 ba dezenvolvimentu instituisaun defeza FALINTIL-Forsa Defeza Timor-Leste – F-FDTL tenki sai ona forsa ne'ebé profesional ho ninia kuadru legal sira ne'ebé rigrozu hodi kontrola lala'ok membru militar. Definisaun klaru ba tarefa serbisu intermus kordenasaun no kooperasaun entre PNTL no F-FDTL. Promove asuntu jeneru no F-FDTL sei sai profesional iha area oin-oin; hanesan ba operasaun forsa manutensaun ba paz iha mundu, informatika no teknolojia ne'e integradu iha sistema ida kontrola komandu nian.

Maske nune'e serbisu balu realiza ona no serbisu seluk seidauk atinji hodi kompleta iha faze konsolidasaun nian. Fundasaun Mahein (FM) nia monitorizasaun hare katak serbisu lubuk presiza kontinua iha Governu foun ida ne'e hodi konsolida insituisaun siguransa maka hanesan infra-estrutur, rekursu umanu, lejislasaun no asuntu sira seluk ne'ebé kontribui ba dezenvolvimentu seitor siguransa.

1. Rekomenda ba VI Governu Konstituisional kontinua dezenvolve infra-estrutur ba instituisaun PNTL no F-FDTL. Ho mekanismu kontrolu ne'ebé diak atu nune'e bele garante transparansia no boa-Governasaun.
2. Rekomenda ba VI Governu Konstituisional kontinua fortifika rekursu umanu liu husi formasaun no treinamentu polisial no militar tuir nesiedade instituisaun agora no futuru atu nune'e bele sai polisia no militar ne'ebé profesional no modernu.
3. Rekomenda ba Governu kontinua hametin kooperasaun bilateral hodi nune'e bele fo apoiu ba dezenvolvimentu seitor siguransa Timor-Leste nian.
4. Rekomenda ba Governu estabelese Autoridade Nasional Maritima no define Política Siguransa Nasional hodi nune'e bele implementa política siguransa integradu ho diak tuir metas PEDN nian.



## Introdusaun

Polítika ba seitor siguransa no estabilidade eskluzivamente nu'udar kondisaun importante no nesesariu tebes iha prosesu dezenvolvimentu Nasaun sira ne'ebé foin sai husi konflitu. Prega ba kondisaun pasadu Timor-Leste nian ne'ebé nakonu ho konflitu prezisa dezeñu planu estratejiku ida ba dezenvolvimentu seitor siguransa tempu naruk nian. Hodi profesionaliza instituisaun militar no polisial atu garante soberania Nasaun tuir Konstituisaun haruka.

Timor-Leste nia metas polítika ba seitor siguransa define klaru tiha ona iha Planu Estratejiku Dezenvolvimentu Nasional – PEDN 2011 – 2030 nian. Dokumentu PEDN ne'e define klaru fazeadamente iha prosesu dezenvolvimentu seitor siguransa. Ba *tempu badak* 2011 – 2015, *tempu mediu* 2016 – 2020 no *tempu naruk*; 2020 – 2030 nian.<sup>1</sup>

Konklui espesifikamente iha programa V Governu Konstituisional nian, tinan 2011 – 2015 nu'udar faze konsolidasaun ba instituisaun siguransa no defeza.<sup>2</sup> Iha ne'ebé atribui ona metas sira katak to'o iha tinan 2030 pelemenus iha reformasaun totalmente seitor siguransa, partikularmente instituisaun militar no polisia ekipadu, profesional hodi serbi Nasaun no povu.<sup>3</sup>

Depois formasaun IV Governu hamosu unifikasaun ida ba Ministériu Interior - MI no Ministériu Defeza – MD sai ida deit ho naran Ministériu Defeza no Siguransa – MDS. Unifikasaun ida ne'e kontinua iha V Governu ho objetivu hodi hafasil kontrolu nomos atu evita politizisauan ba instituisaun polisia no militar. Pasu ida hatudu pontu pozitivu tebes ba kontribuisaun dezenvolvimentu seitor siguransa iha Timor-Leste.

Nune'e relatoriu ida ne'e, diskute kle'an kona-bá realizasaun V Governu Konstituisional ba pontus prinsipal husi polítika sub-seitoral ba dezenvolvimentu seitor siguransa ne'ebé define tiha ona iha dokumentu PEDN. Liu-liu iha nivel implementasaun ba metas ne'ebé Governu hakarak atinji iha tempu badak (2011 – 2015) hodi dezenvolve seitor siguransa iha Timor-Leste. Nune'e mos asuntu polítika estratejiku seluk liu-liu kona-bá siguransa públiku no jeo-estrategjiku maritima nian ne'ebé konsidera hanesan asuntu importante iha seitor siguransa nian.

## Metodolojia

Metodolojia ne'ebé adopta iha estudu ida ne'e ho modelu diskusaun iha ekipa Fundasaun Mahein - FM ho naran *Security Sector Discussion – SSD*.<sup>4</sup> Nomos rekolla dadus liu husi publikasaun media sira kona-bá asuntu polítika Governu iha prosesu dezenvolvimentu seitor siguransa. Dokumentu ofisial sira hanesan PEDN, Polítika IV no V Governu Konstituisional nian, Livru Orsamentu Jeral Estadu nian – OJE husi tinan 2011 to'o 2015. Públikasaun relatoriu

<sup>1</sup> Planu Estratejiku Dezenvolvimentu Nasional (PEDN) tinan 2011 - 2030.

<sup>2</sup> Polítika V Governu Konstituisional.

<sup>3</sup> Planu Estratejiku Dezenvolvimentu Nasional (PEDN) tinan 2011 - 2030.

<sup>4</sup> SSD nu'udar modelu diskusaun ne'ebé ekipa FM estabese hodi halo diskusaun rutina ba asuntu defeza no siguransa nian. Iha diskusaun hirak ne'e mai husi ekipa FM no involve mos parte akademiku no peritu sira husi rai-laran nomos husi estranjeiru.



dahuluk sira husi Organizasaun Naun Governamental - ONG nasional no internasional sira. Inklui mos halo entrevista ho fontes importante sira ne'ebé iha relasaun ho estudu ida ne'e.

### **Vizaun PEDN 2030: Faze dahuluk 2011 – 2015 ba Seitor Siguransa**

Dokumentu PEDN 2011 – 2015 formula klaru kona-bá oinsa dezenvolve seitór siguransa, partikularmente instituisaun defeza no siguransa nian iha faze konsolidasaun ne'e rasik. Maibe iha relatoriu ne'e koko mos esplika kona-bá vizaun PEDN husi 2016 – 2020 relasiona ho ninia relevansia ne'ebé pretenente no integradu tebes maka hanesan tuir mai ne'e.

- 1) *(Tinan 2011 – 2015) ba dezenvovlimentu instituisaun siguransa sei konsentra ba rekonstrusaun no reformasaun ba instituisaun intermus forma rekursu umanu, reforsa kuadru legal instituisaun no asuntu prevensaun krimi, investigasaun, siguransa publiku nomos kontrolu fronteira.*
- 2) *(Tinan 2016 – 2020) seitór siguransa, partikularmente Polisia Nasional Timor-Leste - PNTL totalmente reformadu ho serbisu profesional, kualifikadu no responsavel. Ho apoiu infra-estrutura no ekipamentu ne'ebé modernu, rigrozu aplika regulamentu ho efikasias nu'udar reposnsavel ba boa Governasaun nian. Reforsa rekursu umanu, infra-estrutura no ekipamentu hodi garante serbisu instituisaun ba protesau nian no prevensaun krime nian.*
- 3) *(Tinan 2011 – 2015) ba dezenvolvimentu instituisaun defeza FALINTIL-Forsa Defeza Timor-Leste – F-FDTL tenki sai ona forsa ne'ebé profesional ho ninia kuadru legal sira ne'ebé rigrozu hodi kontrola lala'ok membru militar. Definisau klaru ba tarefa serbisu intermuz kordenasaun no kooperasaun entre PNTL – F-FDTL. Promove asuntu jeneru no F-FDTL sei sai profesional iha area oi-oin; hanesan ba operasaun forsa manutensaun ba paz iha mundu, informatika no teknolojia ne'e integradu iha sistema ida kontrola komandu nian.*
- 4) *(Tinan 2016 – 2020) F-FDTL tenki sai ona forsa ida ne'ebé kredivel ho ekipamantu sufisiente, iha kapasidade naton hodi realiza misaun hodi kontribui ba siguransa no dezenvolvimentu nasaun nian. Nu'udar forsa ida ne'ebé ho responsavel, respeito Estadu de diretu no diretus umanus, tuir padraun disiplina nian.*

### **Realizasaun V Governu Husi 2012 – 2015 iha Seitor Siguransa**

Jeralmente estrutura V Governu iha seitor siguransa kontinua mantein ho estrutura unifikasaun husi IV Governu. Política unifikasaun ida ne'e atu hafasil iha nivel kontrolu nomos atu evita politizisaun ba instituisaun polisia no militar. Iha ne'ebé kontinua lidera husi Xanana Gusmão nu'udar PM kaer mos pasta hanesan MDS.



Liu husi estrutura unifikasaun nian, polítika MDS ezekuta husi Sekretariu Estadu Defeza – SED no Sekretariu Estadu Siguransa - SES iha prosesu dezvoltimentu seitor siguransa. Esforsu hirak ne'ebé V Governu halo ona iha dezvoltimentu instituisaun siguransa bazeia ba planu polítika sub-seitor sira iha PEDN maka hanesan tuir mai ne'e.

## 1. Lejislasaun

### *a. Instituisaun PNTL*

Lejislasaun nu'udar parte importante iha prosesu dezvoltimentu instituisaun siguransa nian. Tanba instituisaun ida atu bele garante ninia funksionamentu diak prezisa iha kadru legal no regulamentu sira. Polítika hirak ne'e define tiha ona iha PEDN, Programa V Governu Konstitusional 2012 – 2017 nomos Planu Estratejiku PNTL 2014 – 2018. Iha ne'ebé atu hasa'e kapasidade membru polisia iha implementasaun Lei no regulamentu internu, Norma Organizasaun no Prosedementu – NOP.<sup>5</sup>

Nu'udar mensiona iha dokumentu polítika PEDN katak durante faze konsolida Governu sei konsentra maka'as iha asuntu leislasaun ba seitor siguransa nian. Liu-liu diploma no lei organiku iha seitor siguransa nian. Inklui leislasaun ba instituisaun Protesaun Sivil, Serbisu Migrasaun no kontinua dezvoltolve normas no regulamentu interna ba PNTL. Iha ne'ebé ligasaun ho prosedementu polisial, disiplina, transparansia no akuntabilidade.<sup>6</sup>

Instituisaun PNTL nu'udar instituisaun siguransa ne'ebé ninia papel importante hodi aseguira siguransa interna, durante mandatu V Governu konsege produs leislasaun importante sira hanesan iha tabela tuir mai ne'e.

---

<sup>5</sup> PNTL. Planu Estratejiku PNTL 2014 – 2018. Buletin PNTL. P9-10

<sup>6</sup> RDTL. (2011). Rejime Juridiku. Dokumentu PEDN. P176.



**Lista lejislasaun ne'ebé produs ba instituisaun siguransa**

<b>Tinan</b>	<b>Lejislasaun importante ba instituisaun siguransa 2007 – 2010</b>	<b>Tinan</b>	<b>Lejislasaun importante sira ba instituisaun siguransa 2011 – 2015</b>
2007	<ul style="list-style-type: none"> <li>• Dekretu Lei Operasaun Espesial ba Prevensain Kriminal</li> </ul>	2011	<ul style="list-style-type: none"> <li>• Dekretu Lei Rejime Juridiku ba Uja Forsa Nian</li> <li>• Alterasaun Rejime Salariál Polísia Nasional Timor-Leste (PNTL) Nian</li> </ul>
2008	<ul style="list-style-type: none"> <li>• Lei Organiku Ministeriu Defeza no Siguransa – MDS</li> </ul>	2012	<ul style="list-style-type: none"> <li>• Dekretu Lei Nú. 22/2012 Tempu Extra-ordináriu ba Promosaun iha PNTL</li> </ul>
2009	<ul style="list-style-type: none"> <li>• Dekretu Lei Nú. 09/2009 Lei Orgánika Polisia Nasional Timor-Leste (PNTL)</li> <li>• Dekretu Lei Nú. 10/2009 Rejime Salariál Polísia Nasional Timor-Leste (PNTL) Nian</li> <li>• Dekretu Lei Nú. 28/2009 Alterasaun Rejime Salariál Polísia Nasional Timor-Leste - PNTL</li> <li>• Dekretu Rejime Promosaun Polisia Nasional Timor-Leste (PNTL) Nian.</li> <li>• Dekretu Lei Servisu Nasional Intelejensia</li> <li>• Lei Organiku Serbisu Migrasaun</li> <li>• Estatutos do Pessoal do Serviço de Migração.</li> </ul>	2013	<ul style="list-style-type: none"> <li>• Dekretu Lei Nú. 10/2013 Períodu Extra-ordináriu ba Komandu PNTL</li> </ul>
2010	<ul style="list-style-type: none"> <li>• Dekretu Lei Nú. 13/2010 Alterasaun Rejime Salariál Polísia Nasional Timor-Leste (PNTL) Nian</li> <li>• Lei Nú. 02/2010 Lei Seguransan Nasionál</li> </ul>	2014	<ul style="list-style-type: none"> <li>• Dekretu Lei Nú. 15/2014 Alterasaun Orgánika Polísia Sientífica Investigasaun Kriminál nian</li> </ul>


**Fontes:** Jornal da República, tinan 2015.

Hare'e husi tabela iha leten hatudu katak antes no depois formasaun V Governu Konstitusional kontinua tau atensaun ba asuntu leislasaun. Iha ne'ebé durante tinan tolu Governu produs leislasaun importante sira ba instituisaun PNTL. Komitmentu Govenu ida ne'e hatudu sinal pozitivu ba progresu dezenvolvimentu instituisaun PNTL.<sup>7</sup>

Maibe prezisa iha revizaun ba lei hirak ne'ebé iha tiha ona nomos produs leislasaun importante sira hanesan lei ba Autoridade Nasional Martima - AMN inklui lei sira seluk hodi bele responde ba dinamika no progresu dezenvolvimentu instituisaun siguransa iha rai-laran. Tanba Governu produs ona lei barak maibe nivel implementasaun sei kontinua sai obstaklu ba profesionalismu no dezempenamentu instituisaun polisia nian.<sup>8</sup>

Kazu konkritu sira maka hahu 2009 to'o 2014 maizumenus membru PNTL hamutuk 924 pesoas maka komete infrasaun disiplinar. Iha ne'ebé kompostu husi mane hamutuk 841 pesoas no feto 83 pesoas.<sup>9</sup> (Hare'e grafika iha tuir mai ne'e);

**Grafika: 1 Kazu infrasaun disiplina ne'ebé membru PNTL komete**



Fontes: Departemenu Justisa Nasional PNTL, tinan 2014

Nu'udar relata iha grafiku leten hatudu katak kazu infrasaun disiplinar antes implementasaun polítika PEDN hatudu númeru boot tebes kompara ho tinan 3 iha faze konsolidasaun instituisaun siguransa. Redusaun númeru infrasaun disiplina ne'ebé komete husi membru polisia sira hatudu progresu diak iha dezenvolvimentu instituisaun siguransa.

Fatór sira ne'ebé kontribui membru polisia kontinua komete infrasaun disiplinar relasiona maioria membru polisia menus kuiñesementu ba lei no regulamentu. Relasiona leislasaun hotu-

<sup>7</sup> Governu fasil no lalais produz lei maibe implementasaun susar tebes, lei balun ne'ebé produz ona prezisa iha revizaun tanba ladun kondiz ona situasaun no neseseidade instituisaun nian

<sup>8</sup> Fundasaun Mahein. (2014, Agostu 19). Demisaun Membru F-FDTL-PNTL: Nu'udar Reformasaun Disiplina?. Mahein Nia Lian Nú. 83. P7. Bele asesu iha ne'e; [http://www.fundasaunmahein.org/wp-content/uploads/2014/08/MNL\\_Nu.-83\\_1902014\\_Demisaun-F-FDTL.pdf](http://www.fundasaunmahein.org/wp-content/uploads/2014/08/MNL_Nu.-83_1902014_Demisaun-F-FDTL.pdf)

<sup>9</sup> Relatoriu Fundasaun Mahein tinan 2014.





hotu hakerek iha lian Portuges defikulta membru sira atu kompriende, enkuantu la iha sosializasaun no formasaun suficiente kona-bá lei ba membru polisial sira.<sup>10</sup>

Komandu PNTL rasik asina ona akordu ho Universidade Nasional Timor-Lorosa'e - UNTL hodi fo kapasitasaun lingua Portuges ba membru polisia sira, liu-liu kadetes foun iha Sentru Formasaun Polisia nian.<sup>11</sup> Nune'e mos kontinua fornese formasaun no fo bolsu estudu ba membru polisia tuir planu asaun anual liu husi proposta OJE kada tinan nomos liu husi kooperasaun bilateral iha area defeza no siguransa.<sup>12</sup>

#### *b. Instituisaun F-FDTL*

Lejislasaun ba instituisaun F-FDTL mos sai asuntu prinsipal ne'ebé defini iha política abordajen PEDN nian. Nu'udar parte ida atu dezenvolve no profesionaliza instituisaun defeza nian. Komitmentu política ida ne'e hahu implementa husi IV Governu to'o mai iha V Governu depois mosu unifikasaun ba MD no MI sai ida deit ho naran MDS.<sup>13</sup>

Depois instituisaun F-FDTL formalmente nu'udar forsa defeza Timor-Leste Governu hahu dezenvolve ninia leislasaun sira atu bele regula serbisu militar hodi serbi Nasaun no povu. Lejislasaun barak ne'ebé produs ona antes periodu V Governu nian. Tuir mai bele hare leislasaun hirak ne'ebé produs antes formulasau politica PEDN ba dezenvolvimentu seitor siguransa, partikularmente instituisaun F-FDTL. (*Bele hare'e tabela iha okos*)

---

<sup>10</sup> Preokupasaun ne'e kestiona mos husi Komandante Jeral PNTL Komisariu Polisia Julio Hornai durante sorumutu ho ekipa FM iha loron 10 fulan Abril 2015

<sup>11</sup> PNTL. (2015, Abril 24). PNTL-UNTL asina MoU kapasita área Linguística. Media PNTL. Disponivel iha: <http://www.pntl.tl/wp-content/uploads/kalins-pdf/singles/pntl-untl-asina-mou-kapasita-area-linguistika.pdf>

<sup>12</sup> Política ida ne'e hahu husi primeiru Governu to'o ohin loron kontinua la'o liu husi kooperasaun bilateral inklui mos liu husi planu asaun anual kada tinan iha Ministériu Defeza no Siguransa nian.

<sup>13</sup> Fundasaun Mahein. (2012, Agostu 06). Política Ministériu Defeza no Siguransa Periodu 2007 – 2012. Disponivel iha: [http://www.fundasaunmahein.org/wp-content/uploads/2012/08/MNH\\_02-06082012.pdf](http://www.fundasaunmahein.org/wp-content/uploads/2012/08/MNH_02-06082012.pdf)



### Lista lejislasaun ba iha seitor defeza

Tinan	Lejislasaun imporante ba instituisaun defeza 2007 - 2010 <sup>14</sup>	Tinan	Lejislasaun importante sira ba instituisaun defeza 2011 - 2015 <sup>15</sup>
2007	<ul style="list-style-type: none"> <li>Lei Nú../2007 Lei Serbisu Militar</li> </ul>	2011	La iha
2008	<ul style="list-style-type: none"> <li>Lei Nú. 16/2008 Alterasaun Lei dala-huluk Serbisu Militar</li> <li>Dekretu Lei Nú 31/2018 Lei Organiku Ministeriu Defeza no Siguransa</li> </ul>	2012	La iha
2009	<ul style="list-style-type: none"> <li>Regime Remuneratório das F-FDTL</li> <li>Dekretu Lei Nu. 17/2009 Regulamentasaun Serbisu Militar</li> <li>Dekretu Lei Nú 26/2009 Estatutu Organiku Polisia Militar nian</li> <li>Dekretu Lei Nú 32/2009 Rejime ba Promosaun Oficial Jeneral sira ho Titular ba Kargu Ass Militar nian.</li> <li>Dekretu Lei Nú 11/2009 Rejime Remuneratóriu F-FDTL nian</li> </ul>	2013	La iha
2010	<ul style="list-style-type: none"> <li>Dekretu Lei Nú 4/2010 Altera Rejime Promosaun ba Altu Kargu Miliár</li> <li>Dekretu Lei Nú 12/2010 Organika Institutu Defeza Nasional – IDN</li> </ul>	2014	<ul style="list-style-type: none"> <li>Estatutos dos Militares das F-FDTL<sup>16</sup></li> </ul>

**Fontes:** Jornal da República, tinan 2015.

<sup>14</sup> Lejislaasaun iha tabela ne'e maka Governu produs durante ne'e no públika ona iha Jornal da República

<sup>15</sup> Tuir monitorizasaun Fundasaun Mahein katak durante periodu ne'e Governu la produs lei ruma, karik iha seidauk halo públikasaun oficial iha Jornal da República

<sup>16</sup> Naran ba lei ne'e hakerek ona iha tabela Jornal da República 2014 maibe kontiudu husi lei ne'e rasik seidauk públika.



Hare husi lista lejislasaun hirak iha tabela leten kuaze produs iha IV Governu Konstitusional nia mandatu. Durante V Governu nia mandatu tinan tolu la iha lei ida ne'ebé produs no públika iha Jornal da Reúplika.<sup>17</sup> Maske tuir política PEDN katak sei tau atensaun ba asuntu lejislasaun iha faze konsolidasaun seitor siguransa nian.<sup>18</sup>

Nune'e mos kestaun implementasaun ba lei hirak ne'ebé produs ona mos sei hetan obstaklu boot. Problema nivel kuiñesementu membru militar ba lei ne'ebé minimu no abilidade ba lingua Portuges relasiona ho maioria membru militar remata estuda iha tempu Indonezia. Maske iha ona formasaun barak husi instituisaun F-FDTL hodi fornese kursu lingua Portuges ba membru militar, iha deit nivel superior sira.<sup>19</sup>

Problema abilidade lingua no kuiñesementu soldadu F-FDTL ba lei no regulamentu lori sira kontinua komete krime no halo infransaun disiplinar. Justifikasaun konkreta maka iha Marsu 2014, Komandu Superior F-FDTL halo demisaun daruak ba soldadu hamutuk 19 pesoas tanba komete krime no indisplinadu.<sup>20</sup> Kestaun hirak ne'e sai preokupasaun superior instituisaun F-FDTL no Prezidenti Repúblika nu'udar Komandante Supremo Forsa Armada nian.<sup>21</sup>

Kestaun seluk maka Governu la'os deit produs lei maibe oinsa halo revizaun ba lejislasaun sira ne'ebé produs ona durante ne'e. Hodi aliña ba politika PEDN ne'ebé define tiha metas sira atu atinji iha tempu badak (2011 – 2015), liu-liu relasaun asuntu lejislasaun hodi kontribui ba dezvoltamentu instituisaun militar.<sup>22</sup>

## 2. Rekursu Umanu

### a. Instituisaun PNTL

Kestaun rekursu umanu parte fundamentu tebes iha planu asaun anual V Governu nian. Tanba rekursu umanu nu'udar aspetu ida importante husi aspetu sira seluk iha dezvoltamentu Instituisaun PNTL.<sup>23</sup> Programa V Governu nian ne'ebé introdus husi PEDN katak Governu sei

---

<sup>17</sup> Iha Dekretu Lei Programaun Militar ne'ebé tama iha vigor 2012 ne'ebe mensiona iha dokumentu PEDN maibe lei refere to'o ohin lora seidauk formalmente públika iha portal Governu no lahatene oinsa ninia implementasaun.

<sup>18</sup> Lejislasaun barak la kondis ona situasaun no nesiedade militar nian ba tempu agora maibe durante besik tinan lima ona laiha revizaun ka halo alterasaun ba lei militar hirak ne'e.

<sup>19</sup> Governu kontinua fo formasaun lingua Portuges ba membru militar (soldadu) iha rai-laran no estranjeiru maibe presiza Governu presiza ofisialmente tarduz lei hirak ne'e ba lian Tetun atau bele hafasil soldadu sira atu komprende.

<sup>20</sup> May. (2014, Maiu 30). Komando F-FDTL Demite Membru 19. Media Diariu Nasional. Disponivel iha: <http://www.jndiario.com/2014/05/30/komando-f-fdtl-demite-membru-19>

<sup>21</sup> Kestaun lingua ida ne'e mos sai obstaklu ba superior F-FDTL atu hili soldadu sira hodi tuir formasaun iha estranjeiru. Segundu Komandante Jeral F-FDTL Brigadeiru Filomeno Paixão rasik rekuinese problema ida ne'e wainhira halo sorumutu ho ekipa FM iha 2014, iha Kuartel Jeral F-FDTL, Fatuhada-Dili.

<sup>22</sup> Sistema rekrutamentu tuir rejiaun.

<sup>23</sup> RDTL. (2011). Planu Estratejiku Dezenvolvimentu Nasional – PEDN. Kapitulo 5. P197.



estabelese planu diak ba rekursu umanus no profisionaliza instituisaun siguransa liu husi rekrutamentu, formasaun, promosaun atu fo resposta ba nesesidade instituisaun nian.<sup>24</sup>

Husi aspetu rekrutamentu, Governu tau iha planu asaun anual liu husi proposta OJE kada tinan hodi rekruta membru PNTL foun.<sup>25</sup> Iha ne'ebé durante V Governu halo ona rekrutamentu dala rua ba elementu polisia foun. Tinan 2012 rekruta membru soldadu hamutuk ema na'in 260<sup>26</sup> no tinan 2014 rekruta ema na'in 520<sup>27</sup>. Membru PNTL atual hamutuk ema na'in 3.584.<sup>28</sup>

Nune'e mos parte formasaun, Governu kontinua fasilita treinamentu ba membru PNTL iha area prinsipal oin-oin ne'ebé koresponde ho misaun polisial nian. Formasaun ba lei no direktus umanus, polisiamentu komunitaria, administrasaun no finansa, investigasaun, operasaun, pilotazen no navigazaun, serbisu tranzitu, intelejensia no sira seluk.<sup>29</sup>

Polítika formasaun hirak ne'e pelemenus prepara ona rekursu umanu ne'ebé kualifikadu iha instituisaun polisial hodi garante profesionalismu no dezempeñamentu instituisaun nian. Maske nune'e, kestaun profesionalismu kontinua sai preokupasaun iha sosiedade nia leet. Aktu violasaun direktus umanus, indisciplinadu no atuasaun para-militar kontinua domina lala'ok serbisu polisia nian.<sup>30</sup>

Nune'e mos seriedade no kapasidade serbisu iha nivel administrasaun no investigasaun ne'ebé la efektivu sai dezafiu ida ba rekursu umanu PNTL. Prosesu investigasaun ba kazu krime ne'ebé membru polisia komete barak sai arkivu, la iha razaun ida klaru. Maske Governu halo ona investimentu maka'as iha area rekursu umanu, liu-liu investigasaun kriminal nian. Instituisaun PNTL dadaun iha ona investigador kualifikadu hamutuk 206 pesoas.<sup>31</sup>

Buat hirak ne'e akontese relasiona ho problema jestaun rekursu umanu iha instituisaun PNTL rasik. Kolokasaun no pozisaun ba membru polisia balun la tuir pesoal ninia meritun ne'ebé iha sai fatór ida ne'ebé fo prejudika ba kualidade serbisu polisia nian. Ezemplu balun maka membru

<sup>24</sup> Prezidensial Konsellu Ministru. (2012, Agostu 26). PROGRAMA V GOVERNO CONSTITUCIONAL NIAN LEGISLATURA 2012-2017. P72.

<sup>25</sup> Fundasaun Mahein. (2012, Agostu 06). Politika Ministériu Defeza no Siguransa Periodu 2007 – 2012. Disponivel iha: [http://www.fundasaunmahein.org/wp-content/uploads/2012/08/MNH\\_02-06082012.pdf](http://www.fundasaunmahein.org/wp-content/uploads/2012/08/MNH_02-06082012.pdf)

<sup>26</sup> TDW. (2012, Setembru 09). Rekrutamentu Ba Polisia Foun Sei Halo iha Fulan Ne'e. Media The Dili Weekly. <http://www.thediliweekly.com/tl/news/security-defencejustice/1718-pntl-recruits-anew-this-month>

<sup>27</sup> Ferreira, Sonia. (2014, Marsu 24). Tinan Nee PNTL Rekruta Polisia Foun Nain 520. Media STL. Disponivel iha: <http://jornal.suara-timor-lorosae.com/tinan-nee-pntl-rekruta-polisia-foun-nain-520/>

<sup>28</sup> RDTL. (2015). Perfil de Funcionarias PNTL. Dokumentu OJE 2015. P155

<sup>29</sup> Fundasaun Mahein. (2012, Agostu 06). Politika Ministériu Defeza no Siguransa Periodu 2007 – 2012. Disponivel iha: [http://www.fundasaunmahein.org/wp-content/uploads/2012/08/MNH\\_02-06082012.pdf](http://www.fundasaunmahein.org/wp-content/uploads/2012/08/MNH_02-06082012.pdf)

<sup>30</sup> Hahalok no atetude polisia hirak ne'e kontinua ejiste to'o ohin loron. Resoposta ba hahalok ida ne'e Komandu PNTL halo demisaun ba membru polisia lubuk ida iha inisiu tinan 2014 nian.

<sup>31</sup> Lopes, Izac. (2014, Novembru 21). Ofisiasi PNTL 101 simu sertifikadu kona-ba investigasaun criminal. Disponivel iha: <http://www.pntl.tl/wp-content/uploads/kalins-pdf/singles/ofisiasi-pntl-101-simu-sertifikadu-kona-ba-investigasaun-kriminal.pdf>



polisia ninia meritu iha investigador maibe durante ne'e halo fali serbisu polisiamentu komunitariu, razaun fundamentu maka nia iha vontade serbisu iha area refere.<sup>32</sup>

#### b. Instituisaun F-FDTL

Politika dezenvolvimentu rekursu umanu F-FDTL importante tebes iha agenda V Governu. Atu garante serbisu operacional militar, nesesariamente liu husi polítika rekrutamentu no formasaun mos. Governu nia mehi ida ne'e define tiha ona iha Planu Forsa 2020 nomos dokumentu polítika estratejiku nasional PEDN. Pontu prinsipal maka atu mellora diak liu iha pratika rekrutamentu no formasaun iha prosesu dezenvolvimentu rekursu umanu F-FDTL.<sup>33</sup>

Hodi atinji planu estratejiku nasional, Governu halo rekrutamentu ba membru militar foun tuir Planu Forsa 2020 katak pelemenus iha forsa ativu mais-menus 3000<sup>34</sup> pesoas wainhira to'o tinan 2020. Hodi responde ba Planu 2020, tinan 2011, V Governu halo rekrutamentu ba membru foun hamutuk 600<sup>35</sup> pesoas, kontinua rekruta iha 2014 hamutuk 600 pesoas.<sup>36</sup>

Governu mos halo investimentu ba rekursu umanu militar. Liu husi formasaun no treinamentu husi nivel baziku to'o avasandu, iha rai-laran no estranjeiru. Formasaun tekniku militar, liu-liu treinamentu konjunta iha nivel avansadu, jestaun kilat no munisoens, lojistika, administrasaun no finansa, kursu pilotu, jestaun dezastre rekursu naturais, komputador no informatika, navigasaun nomos estuda teoria iha Universidade rai laran no estranjeiru.<sup>37</sup>

Investimentu iha area tematiku hirak ne'e atu responde ba vizaun PEDN katak to'o tinan 2015 instituisaun F-FDTL sai nu'udar forsa defeza konvensional no profesional intermus infra-estrutura no rekursu umanu. Maibe realidade instituisaun F-FDTL kontinua hetan obstaklu boot iha nivel rekursu umanu. To'o agora laiha pesoal kualifikadu husi F-FDTL ka Governu hodi reprezenta Timor-Leste iha atividade *Defense Ministerial Meeting* – DMM durante ne'e.<sup>38</sup>

Nune'e mos F-FDTL seidak iha rekursu umanu naton hodi priense kargu adidu militar ba Nasaun sira iha rejiaun Pasifiku no Sudeste Aziatiku nian, foin maka establese adidu iha nasaun balun hanesan Indonezia, Portugal no Australia. Enkuantu polítika Timor-Leste atu

<sup>32</sup> Problema hirak ne'e rezultadu monitorizasaun no entrevista ba pesoal polisia investigador ne'ebé dadaun ativu tebes iha programa polisiamentu komunitariu tanba iha ninia kapasidade iha area refere.

<sup>33</sup> RDTL. (2011). Dezenvolvimentu das F-FDTL. Dokumentu PEDN. P203

<sup>34</sup> Fundasaun Mahein. (2011, Abril 18). Mehi no Realidade ba Dezenvolvimentu no Profesionalismu Forsa FALINTIL-FDTL. Mahein Nia Lian Nú 18. P9

<sup>35</sup> RDTL. (2011, Maiu 17). Kandidatu 600 selesionadu atu inkorpora iha F-FDTL. Disponivel iha <http://timor-leste.gov.tl/?p=5034&lang=tp>

<sup>36</sup> Claudio. (2013, Febreiru 04). F-FDTL Sei Rekruta Membru 600. Media Timoroman. Disponivel iha: <http://timoroman.com/f-ftdl-sei-rekruta-membru-600/>

<sup>37</sup> Fundasaun Mahein. (2013, Setembru 27). Progresu no Dezafiu Kooperasaun Defeza Timor-Leste. Disponivel iha: [http://www.fundasaunmahein.org/wp-content/uploads/2013/09/MNL\\_Nu.59\\_27092013\\_Kooperasaun-Defezapdf1.pdf](http://www.fundasaunmahein.org/wp-content/uploads/2013/09/MNL_Nu.59_27092013_Kooperasaun-Defezapdf1.pdf)

<sup>38</sup> Freitas, Jeronimo. (2015, Marsu 19). CD Politika Internasional no Kooperasaun Defeza – SED. Entrevista Pesoal.



adere ba ASEAN ejize mos rekursu kualifikadu husi instituisaun F-FDTL hodi bele involve atividade diskusaun defeza, iha forum internasional ne'ebé Timor-Leste hola parte ona.<sup>39</sup>

### 3. Infra-estrutura

#### a. *Instituisaun PNTL*

Infra-estrutura nu'udar fatór determinante ba funksionamentu serbisu instituisaun ida nian. Hahu inisiu estabesementu instituisaun PNTL Governu investe ona maka'as hodi dezenvolve infra-estrutura, ekipamentu no fasilidade. Maske nune'e, instituisaun PNTL kontinua mukit ho infra-estrutura to'o ohin loron. Kondisaun hirak ne'e sai pontu dezafiu ba funksionamentu serbisu polisial nian. Parte Governu define tiha polítika dezenvolvimentu infra-estrutura PNTL iha planu estratejiku longu prazu nian.<sup>40</sup>

IV Governu rehabilita ona edifisiu Komandu Munisipiu balun hanesan Viqueque, Dili, Manatuto no Ermera iha tinan 2011.<sup>41</sup> Apoiu lojistika ba instituisaun PNTL hanesan kareta, konstrusaun sentru formasaun, fatin komunikaun iha Kuartel Jeral, fasilidade ba administasaun no seluk tan. Husi esforsu hirak ne'e hatudu katak Governu iha komitmentu atu dezenvolve infra-estrutura instituisaun PNTL. Tinan 2013, Governu liu husi SES investe barak ba infra-estrutura PNTL.<sup>42</sup>

Liu husi planu asaun anual, V Governu nia kontinua fo perioridade ba konstrusaun bairu foun ba PNTL iha Munisipiu sira hanesan Aileu, Ermera, Manufahi, Likisa no Oe-cusse. Nune'e mos konstrusaun bairu foun Unidade Polisia Fronteira – UPF iha Munisipiu iha liña fronteira hanesan Bobonaro, Covalima, Oe-Cusse. Konstrusaun eskuadra iha postu administrativu no monta radio komunikaun iha Komandu Munisipiu sira.<sup>43</sup>

Maibe investimentu ba infra-estrutura hirak ne'e balun seidauk atinji metas ne'ebé define iha planu estratejiku longu prazu nian. Kuaze Komandante PNTL iha Munisipiu 13 hato'o ninia lamentasaun ba infra-estrutura.<sup>44</sup> Inklui Komandante Jeral PNTL atual Komisariu Polisia Julio Hornai rasik.<sup>45</sup>

<sup>39</sup> Gusmão, Martinho. (2015, Abril 18). Diretor PEPI – SED. Entrevista Pesoa.

<sup>40</sup> Ferreira, Sonia. (2013, Dezembru 17). Governu Kontinua Hadia Infra Estrutura Ba PNTL. Media STL. Disponivel iha: <http://jornal.suara-timor-lorosae.com/governu-kontinua-hadia-infra-estruturaba-pntl/>

<sup>41</sup> Fundasaun Mahein (2012, Agostu 06). Política Ministériu Defeza no Siguransa Periodu 2007 – 2012. Mahein Nia Hanoin Nú 02.

<sup>42</sup> SAPO. (2012, Outobru 02). OJE 2013, Governu Sei Investe Maka'as ba PNTL. Disponivel iha: <http://noticias.sapo.tl/tetum/info/artigo/1273141.html>

<sup>43</sup> RDTL (2011) Planu Asaun Anual PNTL. Dokumentu OJE 2011.

<sup>44</sup> Fundasaun Mahein. (2013, Juñu 09). Baze Dezenvolvimentu Infra-estrutur: Dalan Naruk Ba Karakteristika Polisia Nasional. Mahein Nia Lian Nú 54. Disponivel iha: [http://www.fundasaunmahein.org/wp-content/uploads/2013/06/MNL\\_Nu.-57\\_19062013\\_Baze-Dezenvolvimentu-Infrastrukturapdf.pdf](http://www.fundasaunmahein.org/wp-content/uploads/2013/06/MNL_Nu.-57_19062013_Baze-Dezenvolvimentu-Infrastrukturapdf.pdf)

<sup>45</sup> Durante workshop ba re-dezeñu programa apoiu Nova Zelandia ba Polisiamentu Komunitariu husu 50%/50% husi Governu NZ hodi hadi'a infra-estrutur ba Oficial Polisia Suku – OPS iha Timor-Leste.



Lamentasaun mos mai husi lideransa<sup>46</sup> polisial iha nasional. Rekuinese katak iha progresu barak husi esfrosu Governu hodi investe ba infra-estrutura instituisaun PNTL. Maibe kestiona projetu infra-estrutura balun ne'ebé to'o ohin lora paradu hanesan konstrusaun kazerna iha Munisipiu Oe-Cusse no Same seidauk remata tanba osamentu la sufisiente. Inklui lora Komandu Jeral PNTL rasik seidauk iha Kuartel Jeral propriu nomos infra-estrutura ba Unidade Polisia Fronteira – UPF ne'ebé sei mukit tebes.<sup>47</sup>

Buat hirak ne'e akontese la'os deit problema orsamentu maibe mos sistema kontrolu no aprovizionamentu ne'ebé ladiak iha instituisaun PNTL. Kazu balu identifika katak maioria projetu infra-estrutura PNTL la tuir konkursu públiku normal no laiha kontrolu ne'ebé diak prejudika ba prosesu dezenvolvimentu infra-estrutura instituisaun PNTL nian. Iha 2013, mosu malpratika iha implementasaun projeitu sira. Maske antes ne'e relatoriu Delloite ne'ebé halo avaliasaun ba MDS 2012 katak sistema aprovizionamentu la'o ladiak.<sup>48</sup>

#### *b. Instituisaun F-FDTL*

Hahu estabeselementu instituisaun defeza iha 2001, mai kondisaun minimu intermus infra-estrutura, ekipamentu no fasilidade. Dezenvolvimentu infra-estrutura instituisaun F-FDTL iha tempu refere 80% depende ba doadores liu husi kooperasaun bilateral. Hafoin formasaun IV Governu Konstitusional tau atensaun maka'as ba dezenvolvimentu infra-estrutura ba militar, liu husi alokasaun Orsamentu Jeral Estadu ne'ebé rutina to'o ohin lora.<sup>49</sup>

Husi alokasaun OJE ba infra-estrutura militar nian, Governu konsege hari'i infra-estrutura baziku hanesan hari'i paiol, armazen kilat F-FDTL, Kuartel Polisia Militar, Kuartel Jeral F-FDTL, portu ba Komponente Naval, hari'i uma ba soldadu sira no seluk-tan. Depois pública dokumentu politika PEDN 2011, tinan tolu tuir-tuir malu Governu investe maka'as iha infra-estrutura F-FDTL liu-liu hodi aloka orsamentu ho montante 21 Millaun kada tinan.<sup>50</sup>

Iha tinan 2013, Governu kontinua investe iha infra-estrutura hanesan konstrusaun ba kazerna iha Hera, konstrui edifisiu Komandu Komponente Apoiu Serbisu, hari'i postu foun militar iha Atauro, Oe-cusse, Tunubibi no Tilomar.<sup>51</sup> No, iha tinan 2014, Governu kontinua kompleta fasilidade no ekipamentu ba instituisaun F-FDTL hanesan ekipamentu komunikasaun, monta

<sup>46</sup> FM halo entrevista ho eis Adjuntu Komandante PNTL Afonso de Jesus iha lora 17 fulan Marsu tinan 2015 iha Kuartel Jeral PNTL, Kaikoli – Dili.

<sup>47</sup> De Jesus Afonso. (2015, Marsu 17). Eis Adjuntu Komandante PNTL. Entrevista Pesoal.

<sup>48</sup> Relatoriu delloite ne'e kritika kata MDS la halo konkursu publiku wainhira sosa ekipamentu ba instituisaun defeza no siguransa, iha deit ajudikasaun direta ba projeitu boot sira ne'ebé uza osamentu barak.

<sup>49</sup> Fundasaun Mahein. (2012, Agostu 06). Politika Ministériu Defeza no Siguransa Periodu 2007 – 2012. [http://www.fundasaunmahein.org/wp-content/uploads/2012/08/MNH\\_02-06082012.pdf](http://www.fundasaunmahein.org/wp-content/uploads/2012/08/MNH_02-06082012.pdf)

<sup>50</sup> Ferreira, Sonia. (2014, Janeiro 22). OJE 2014, SED Tau Periodade ba Infra-estrutura F-FDTL. Media STL. Disponivel iha: <http://jornal.suara-timor-lorosae.com/oje-2014-sed-tau-periodade-ba-infra-estrutura-f-ftl/>

<sup>51</sup> RDTL. (2013). Plano Anual da F-FDTL para 2013. Dokumentu OJE 2013. P143



sistema informatika ba apoiu serbisu administrasaun no kompra sasan militar seluk atu garante serbisu instituisaun F-FDTL nian.<sup>52</sup>

Esforsu V Governu liu husi planu asaun anual hodi dezenvolve infra-estrutura militar parte ida husi planu intergradu iha politika estratejiku nasional nian. Iha ne'ebé to'o tinan 2015 (agora) pelemenus atinji ona metas ida ne'e hatudu katak militar iha ona infra-estrutura ne'ebé suficiente, ekipadu ho sistema teknolojia modernu no integradu.<sup>53</sup> Governu nia vontade diak ida ne'e presiza ita konsidera no apresia. Maibe mos kontinua hadi'a sistema kontrolu no aprovizionamentu ida ne'ebé diak hodi bele garante sustentabilidade projeitu hirak ne'e.<sup>54</sup>

Relatoriu Delloite iha 2012 fo notas mean ba sistema aprovizionamentu iha MDS, partikularmente SED iha prosesu konkursu internasional ne'ebé la tuir regra aprovizionamentu nian. Halo deit ajudikasaun direta ba kompañia sira hodi sosa ekipamentu ba instituisaun F-FDTL hanesan sosa roo patrullamentu husi Xina nomos konstrusaun Portu Naval Hera.<sup>55</sup>

#### 4. Kooprasaun Internasional

##### a. Koperasaun Estratejiku

Dezenvovlimentu instituisaun defeza no siguransa Timor-Leste la sees husi política kooperasaun internasional entre Timor-Leste ho Nasaun estranjeiru sira. Tanba ne'e, liu husi dokumentu política PEDN 2011 – 2030 Governu kontinua fo importansia ba kooperasaun internasional hodi dezenvolve instituisaun polisial no militar. Liu husi "kooperasaun estratejiku" hanesan Estados Unidus Amerika - EUA, Australia, Xina, Japaun, Korea du Sul, Nova Zelandia, Indonezia, Australia no Nasaun sira seluk.<sup>56</sup>

Ho kooperasaun internasional ne'e fo ona rezultadu pozitivu ba dezenvovlimentu instituisaun PNTL – F-FDTL. Koperasaun ho Indonezia fasilita formasaun no estudu komparativu iha area polisiamentu komunitariu, formasaun kona-bá kombate droga no trafiku umanu ba membru polisial.<sup>57</sup> Fasilita membru F-FDTL hodi tuir kursu militar baziku no avansadu iha Lemhanas – Jakarta. Inklui mos monta adidu militar Timor-Leste iha Indonezia hodi hametin kooperasaun iha area militar nian.

<sup>52</sup> RDTL. (2014). Plano Anual da F-FDTL para 2014. Dokumentu OJE 2014. P148

<sup>53</sup> RDTL. (2011). Metas Dezenvovlimentu F-FDTL 2015. Dokumentu PEDN. P206.

<sup>54</sup> Relatoriu Delloite 2012 indika katak Ministeriu Defeza no Siguransa hetan problema boot iha sistema aprovizionamentu nian.

<sup>55</sup> Claudio. (2012, Dezembru 04). Ministeriu Defeza no Seguransa kontra Lei no Regulamento Aprovizionamentu RTDL. Media Timoroman. Disponivel iha:

<http://timoroman.com/ministeriu-defeza-no-seguransa-kontra-lei-no-regulamento-aprovizionamentu-rtdl/>

<sup>56</sup> Fundasaun Mahein. (2013, Setembru 27). Progresu no Dezafiu Kooperasaun Defeza Timor-Leste. Disponivel iha: [http://www.fundasaunmahein.org/wp-content/uploads/2013/09/MNL\\_Nu.59\\_27092013\\_Kooperasaun-Defezapdf1.pdf](http://www.fundasaunmahein.org/wp-content/uploads/2013/09/MNL_Nu.59_27092013_Kooperasaun-Defezapdf1.pdf)

<sup>57</sup> SAPO. (2011, Novembru 23). Komando PNTL Simu Delegasaun POLRI. Disponivel iha: <http://noticias.sapo.tl/tetum/info/artigo/1202895.html>





Kooperasaun estratejiku ho EUA fo apoiu facilidade komunikasaun no transporte ba instituisaun PNTL.<sup>58</sup> Apoiu formasaun no fornese treinamentu militar ba membru F-FDTL liu husi ezersisu sira hanesan ezersisiu COBRA, ezersisiu LAFAEK, ezersisu CARAT no formasaun militar seluk ne'ebé kontribui tebes ba dezvoltimentu instituisaun F-FDTL. Inklui mos fo apoiu ekipamentu militar nian.<sup>59</sup>

Parte Australia no Nova Zelandia mos fo kontribuisaun maka'as ba dezvoltimentu instituisaun PNTL no F-FDTL. Nova Zelandia liu husi *The Asia Foundation* (TAF) nia programa HAKOHAK<sup>60</sup> nomos TLCPP<sup>61</sup> hodi apoiu ba dezvoltimentu infra-estrutura no rekursu umanu ba polisiamentu komunitariu. Apoiu ekipamentu no facilidade hodi bele apoiu serbisu operacional PNTL.<sup>62</sup> Australia fo kapasitasaun ba rekursu umanu instituisaun F-FDTL kona-bá tekniku militar, mediku, lingua Ingles, administrasaun no finansa, fo bolsu estudu liu husi programa *Defence Cooperation Program – DCP* durante ne'e.<sup>63</sup>

Entertantu kooperasaun estratejiku ho Nasaun Xina, Japaun, Korea du Sul no Filipina mos kontribui tebes ba dezvoltimentu instituisaun PNTL no F-FDTL intermus infra-estrutura no rekursu umanu. Kontribuisaun Xina iha dezvoltimentu maka'as tebes, apoiu F-FDTL hodi Kuartel Jeral F-FDTL, Edifisiu Ministériu Defeza, edifisiu Prezidenti Repúblika nu'udar Komandante Supremu Forsa Armada. Nomos fo kapasitasaun iha rekursu umanu liu husi kursu sira.<sup>64</sup>

Nune'e mos kooperasaun ho Japaun foritifika rekursu umanu hodi fasilita membru F-FDTL na'in haat halo estuda Akademia Defeza Nasional Yokosuka no promote sei kontinua koopera hodi hadi'a infra-estrutura no facilidade forsa armada.<sup>65</sup> Japaun mos fo apoiu finanseiru no kapasitasaun rekursu umanu iha instituisaun PNTL, partikularmente iha area polisiamentu komunitariu, formasaun informatika no seluk-tan to'o ohin lora.<sup>66</sup>

Nasaun Korea du Sul no Filipina mos kontribui maka'as dezvoltimentu rekursu umanu no infra-estrutura instituisaun PNTL – F-FDTL. Liu husi kooperasaun Filipina kapasita rekursu

---

<sup>58</sup> PNTL. (2015, Feveiru 03). [Embaxadora EUA ba TL entrega motorizadas 15 ba PNTL](http://www.pntl.tl/2015/02/03/embaxadora-eua-ba-tl-entrega-motorizadas-15-ba-pntl/). Media PNTL. Disponivel iha: <http://www.pntl.tl/2015/02/03/embaxadora-eua-ba-tl-entrega-motorizadas-15-ba-pntl/>

<sup>59</sup> Tomas Pinto, Julio. (2013, Abril 11). Joint Exercise FALINTIL-FDTL and U.S. MARINE. Disponivel iha: <http://juliotomaspinto.com/publication/117-joint-exercise-falintil-fdtl-and-us-marine.htm>

<sup>60</sup> HAMETIN KOPERASAUN ENTRE POLISIA HO KOMUNIDADE - HAKOHAK

<sup>61</sup> Timor-Leste Community Policing Programme - TLCPP

<sup>62</sup> PNTL. (2014, Setembru 07). [TLPDP entrega karreta 10 no motor 3 ba PNTL](http://www.pntl.tl/2014/09/17/tlpdp-entrega-karreta-10-no-motor-3-ba-pntl/). Media PNTL. Disponivel iha: <http://www.pntl.tl/2014/09/17/tlpdp-entrega-karreta-10-no-motor-3-ba-pntl/>

<sup>63</sup> Institute For Security And Sustainability. (2013). Defence Cooperation Program (DCP) Timor-Leste. disponivel iha: <http://nautilus.org/publications/books/australian-forces-abroad/easttimor/defence-cooperation-program-dcp-timor-leste/#axzz2NqfXTPL3>

<sup>64</sup> RDTL. (2011, Outubro 25) Timor-Leste no Xina hametin kooperasaun iha área Defeza. Media Governu. Disponivel iha: <http://timor-leste.gov.tl/?p=2912&lang=tp&n=1>

<sup>65</sup> RDTL. (2012, Marsu 12). Japaun sei kontinua fó apoio ba Timor-Leste. Disponivel iha: <http://timor-leste.gov.tl/?p=6632&lang=tp>

<sup>66</sup> Kooperasaun Japaun ne'e kontinua to'o ohin lora, iha inisiu tinan 2015 fasilita Komandu PNTL distrital hodi halo estudu komparativu iha Indonezia.



umanu PNTL iha area pilotazen, kriminolojia no jestaun rekursu umanu ba membru PNTL.<sup>67</sup> No, liu husi kooperasaun defeza, Korea du Sul apoiu facilidade militar (apoiu roo ahi tolu) ba instituisaun F-FDTL inklui mos fo formasaun navigasaun ba membru forsa armada.<sup>68</sup>

Hare'e ba pratika no rezultadu kooperasaun bilateral Timor-Leste no Nasaun estranjeiru hirak ne'e fo benefisiu boot ba dezvoltimentu instituisaun siguransa no defeza. Públiku presiza apresia no kongratula ba esforsu Governu nia durante ne'e. Maibe Governu tenki legaliza formalmente akordu ka MoU kona-bá kooperasaun militar no polisia atu nune'e bele garante nina sustentabilidade.

Tanba kuaze kooperasaun iha area militar no polisia seidak formalmente asina *Memorandum of Understanding* - MoU, iha deit akordu militar no polisia entre instituisaun. To'o ohin lora Nasaun lima deit maka asina ona MoU ho Timor-Leste iha nivel kooperasaun defeza, Nasaun seluk seidak iha nota intendementu ida. Kazu konkretu Nasaun Filipina ne'ebé durante fo kontribuisaun maka'as ba dezvoltimentu instituisaun PNTL – F-FDTL, seidak asina formalmente MoU.<sup>69</sup>

Situasaun hirak ne'e sai nu'udar *trabalho da casa* ba VI Governu atu kompleta hanesan mensiona iha planu asaun anual nian. Liu-liu iha area kooperasaun estratejiku sira hodi bele responde nesiedade instituisaun defeza no siguransa. Tuir política PEDN ba longu prazu nian iha prosesu dezvoltimentu seitor siguransa iha Timor-Leste.

#### *b. Kooperasaun Istoriku*

Iha ambitu "kooperasaun istoriku" Timor-Leste ho nasaun sira iha bloku *Comunidade dos Países de Língua Portuguesa* - CPLP ne'e kompostu Portugal, Brazil, Angola, Mozambique, São Tome e Principe, Cabo-Verde, no Guine-Bissau hodi dezvoltie instituisaun polisia no militar. Kooperasaun ho Nasaun hirak ne'e la'o diak tebes no kontribui ona pontu pozitivu ba dezvoltimentu instituisaun PNTL – F-FDTL iha kontestu nasional no internasional, liu husi formasaun militar no polisia.<sup>70</sup>

Iha nivel kooperasaun ho Portugal fo apoiu maka'as ba kapasitasaun rekursu umanu instituisaun PNTL. Fo formasaun kona-bá sai instrutor ba membru Unidade Polisia Especial – UEP, formasaun kona-bá terorista nomos formasaun area seluk ne'ebé relasaun ho serbisu

---

<sup>67</sup> Fundasaun Mahein. (2011, Jullu 21). Dezvoltimentu Polisia Nasional Timor-Leste (PNTL). Mahein Nia Lian Nú 21. Disponivel iha: [https://fundasaunmahein.files.wordpress.com/2011/07/fm-nia-lian-21\\_21jullu-20111.pdf](https://fundasaunmahein.files.wordpress.com/2011/07/fm-nia-lian-21_21jullu-20111.pdf)

<sup>68</sup> Fundasaun Mahein. (2013, Setembru 27). Progresu no Dezafiu Kooperasaun Defeza Timor-Leste. Disponivel iha: [http://www.fundasaunmahein.org/wp-content/uploads/2013/09/MNL\\_Nu.59\\_27092013\\_Kooperasaun-Defezapdf1.pdf](http://www.fundasaunmahein.org/wp-content/uploads/2013/09/MNL_Nu.59_27092013_Kooperasaun-Defezapdf1.pdf)

<sup>69</sup> Freitas, Jeronimo. (2015, Marsu 19). CD Política Internacional no Kooperasaun Defeza. Entrevista Pesoa.

<sup>70</sup> Carceres. (2012, Agostu 18-19). Treino Conjunto Entre Forças Hosi Países CPLP iha Angola ho naran "EXERCICIO FELINO". Buletin das F-FDTL. Vol. 286. P20-21



polisia nian.<sup>71</sup> Inklui mos kooperasaun defeza ho Cabo Verde fasilita treinamentu militar ne'ebé kuiñesidu ho Ezersisiu Felino.<sup>72</sup>

Nomos Portugal fo apoiu ba desenvolvimentu infra-estrutura no rekursu umanu F-FDTL. Oferece roo patrullamentu ba F-FDTL Komponente Naval no fo formasaun militar husi nivel soldadu to'o jeneral nian. Nune'e mos apoiu estuda kona-bá estabelesementu forsa aero.<sup>73</sup> Apoiu formasaun navigasaun ba membru F-FDTL Komponente Naval no kontinua iha komitmentu atu hametin kooperasaun defeza no Timor-Leste iha futuru.<sup>74</sup>

Kooperasaun pozitivu ida ho Nasaun Brazil maka fortifika rekursu umanu instituisaun PNTL, liu husi Polisia Federal Brazil - PFB nian.<sup>75</sup> Kapasitasaun rekursu umanu iha area investigasaun, intelejensia nomos ba Unidade Polisia Fronteira.<sup>76</sup> Liu husi kooperasaun ne'e mos Brazil apoiu formasaun ba instituisaun F-FDTL. Hanesan tekniku-militár, treinamentu ba polisia militár, apoiu instrutor ba militár sira, eventua kultura no desportu militar iha futuru.<sup>77</sup>

Rezultadu husi kooperasaun istoriku ho nasaun maun-alin CPLP fo vantajen boot ba desenvolvimentu Instituisaun PNTL – F-FDTL iha futuru. Faktu pozitivu balun hatudu ona katak liu husi kooperasaun defeza no Nasaun CPLP konsege lori bandeira Timor-Leste iha misaun manutensaun ba paz iha Libanon.<sup>78</sup> Nune'e mos liu husi kooperasaun CPLP fasilita membru instituisaun PNTL hodi involve iha manutensaun ba paz iha Guine Bisau.<sup>79</sup>

Maske nune'e, preokupasaun hanesan iha nivel kooperasaun defeza Timor-Leste ho Nasaun CPLP mos to'o ohin lora balun seidak iha Nota Intendementu ida ne'ebé kesi formalmente relasaun ida ne'e. Durante ne'e iha deit akordu politika iha nivel Estadu no akordu militar iha nivel instituisaun militar no polisia nian. Ho ida ne'e, VI Governu prezisa halo revizasaun ba

<sup>71</sup> Ferreira, Sonia. (2014, Fevereiro 03). UEP-PNTL iha Ona Instrutores Profesional. Media STL. Disponivel iha: <http://jornal.suara-timor-lorosae.com/uep-pntl-iha-ona-instrutores-profesional/>

<sup>72</sup> Treinu baziku ne'ebé oferece husi Portugal ne'e importante ba desenvolvimentu instituisaun defeza no siguransa maibe Governu gasta osan barak hodi selu ba asesor militar husi nasaun CPLP nian.

<sup>73</sup> TS. (2014, Novembro 25). Portugal Apoiu Ona Forca Naval no Sei Apoiu Harii Forca Aero F-FDTL. Media Tempo Semanal. Disponivel iha: <http://www.temposemanal.com/seguransa-defesa/portugal-apoiu-ona-forca-naval-no-sei-apoiu-harii-forca-aero-f-ftdl>

<sup>74</sup> Tap. (2014, Novembro 27). Portugal Kapasita F-FDTL Ba Akademia Militar. Media Diariu Nasional. Disponivel iha: <http://www.jndiario.com/2014/11/27/portugal-kapasita-f-ftdl-ba-akademia-militar/>

<sup>75</sup> Apoiu husi Brazil barak akontese iha IV Governu no seidak kontinua iha 2015 ne'e.

<sup>76</sup> SAPO. (2011, Marsu 04). Polisia Federál sei fó apoiu formasaun ajente sira nian iha Timor-Leste. disponivel iha: <http://noticias.sapo.tl/tetum/info/artigo/1134208.html>

<sup>77</sup> RDTL. (2010, Novembro 30). Timor-Leste ho Brazil koopera iha área Defeza. Portal Governu. Disponivel iha: <http://timor-leste.gov.tl/?p=4370&lang=tp&n=1>

<sup>78</sup> Sena, Leandro. (2011, Julu 16). Membru F-FDTL 12, Partisipa Força Manutensaun Paz iha Libanon. Radio Liberdade. Disponivel iha: <http://www.radioliberaldadedi.com/notisia/107-membru-f-ftdl-12-partisipa-forca-manutensaun-paz-iha-libanon>

<sup>79</sup> Ferreira, Sonia. (2013, Julu 22). Membrus PNTL Nain 3 Ba Misaun ONU Iha Guinea Bissau. Media STL. Disponivel iha: <http://suara-timor-lorosae.com/membrus-pntl-nain-3-ba-misaun-onu-iha-guinea-bissau/>



akordu kooperasaun defeza Timor-Leste ho Nasaun CPLP hodi legaliza ho MoU, tenki hetan aprovasaun husi Parlamentu Nasional hodi bele aliña ho polítika PEDN 2011 – 2030 nian.

## 5. Polisiamentu Komunitariu no Prevensaun Konfliktu

Politika PEDN 2011 – 2030 ne'e fo mos importansia ba asuntu polisiamentu komunitaria nian. Estruturamente Departamentu Polisiamentu Komunitariu tutela ba Komandu Operasional Nasional – KON tur Dekretu Lei Nú. 9/2009 lora 18 fulan FEVEREIRU, Lei Organiku PNTL nian.<sup>80</sup> Husi baze juridiku no misaun ne'ebé importante, Governu kontinua hametin polisiamentu komunitariu ne'ebé orientadu ba comunidade hodi serbi Nasaun no povu.<sup>81</sup>

Responde ba polítika hirak ne'e Governu halo ona esforsu barak. Liu husi planu asaun anual Governu kada tinan aloka orsamentu ba instituisaun PNTL hodi hametin serbisu operasional sira. Tinan ida ne'e (2015) instituisaun PNTL hetan alokasaun OJE ho montante 27,963 Millaons.<sup>82</sup> Husi montante orsamentu ne'e preve mos ba KON hamutuk US\$ tokon 1,258. La klaru montante osamentu hirak maka alokadu ba polisiamentu komunitaria.<sup>83</sup> Relatoriu TAF mos kestiona ida ne'e no konsidera problema iha nivel polítika no planu orsamentu.<sup>84</sup>

Iha planu anual PNTL 2015, sei mellora diak liu tan serbisu operasaun nian, liu-liu fortifika vizibilidade serbisu polisiamentu komunitariu hodi konsolida no asegura siguransa komunitariu. Liu husi monta Ofisial Polisia Suku – OPS iha area rural no halo akizasaun ba ekipamentu no transporte ba OPS.<sup>85</sup> Dadaun ne'e instituisaun PNTL konsege monta ona OPS hamutuk 230 suku husi total suku 442 iha Timor-Leste.<sup>86</sup>

Kabe ba komitmentu Governu hodi ininveste iha serbisu polisiamentu komunitariu liu husi alokasaun orsamentu durante ne'e hatudu pontu pozitivu no bele responde ona Planu Estratejiku Nasional, partikularmente ba Departamentu Polisiamentu Komunitariu nian. Presiza iha alokasaun orsamentu ketak ba polisiamentu komunitariu hodi nune'e bele dezvoltamentu diak liu tan rekursu umanu, infra-estrutura, ekipamentu no fasilidade ba OPS.<sup>87</sup>

TAF nia relatoriu esplika katak sei iha lakunas barak intermus fasilidade (transporte no komunikasaun) ne'ebé membru OPS infrenta iha terenu durante ne'e. Governu foun (VI

<sup>80</sup> RDTL. (2009). Lei Organika PNTL nain. Artigu 16) alinea 1 versiklu b). P8.

<sup>81</sup> RDTL. (2011). Infra-estrutura no Lojistika. Dokumentu PEDN. P198.

<sup>82</sup> RDTL. (2015). Orçamento. Dokumentu OJE 2015. P155

<sup>83</sup> Fundasaun Mahein. (2014, Setembru 30). Proposta Orsamentu Jeral Estadu (OJE) 2015 ba Polisiamentu Komunitariu. Mahein Nia Lian Nú 89. P5. Disponivel iha: [http://www.fundasaunmahein.org/wp-content/uploads/2014/10/MNL\\_Nu.89\\_30102014\\_OJE-2015.pdf](http://www.fundasaunmahein.org/wp-content/uploads/2014/10/MNL_Nu.89_30102014_OJE-2015.pdf)

<sup>84</sup> Relatoriu ne'e hakerek husi Jennu Asman kona-bá Kalkulu-Kustu ba Iniativu Ofisial Polisia Suku ne'ebe hala'o iha FEVEREIRU 2015.

<sup>85</sup> RDTL. (2015). Plano Anual da Polícia Nacional de Timor-Leste – PNTL Para 2015. Dokumentu OJE 2015. P160.

<sup>86</sup> Monteiro, Longuinhos. (2015) Ministru Interior. Debate Eskluzivu Progarama Ita Nia Governu TVTL.

<sup>87</sup> Asuntu hirak ne'e sai diskusaun iha workshop PNTL ho doadores iha Kuartel Jeral 2015 kona-bá programa re-dezena apoiu Nova Zelandia ba Polisiamentu Komunitariu iha Timor-Leste.



Governu) prezisa fo atensaun ba asuntu ne'e tanba faktu sira hatudu katak OPS balun ne'ebé hela dook maibe serbisu tau-matan ba suku 2 ka 3 hetan obstaklu boot enkuantu la iha transporte no komunikasaun.<sup>88</sup>

Iha parte seluk, kestaun prevensaun konfliktu mos defini tiha ona liu husi polítika PEDN. Baze fundamentu maka Timor-Leste hanesan Nasaun frajil prezisa iha polítika abordajen ida hodi prevene no rezolve konfliktu iha comunidade. Relasiona ho situasaun polítika, sosiu-ekonomika Timor-Leste ne'ebé sei fraku tebes bele hamosu konfliktu iha comunidade iha futuru.<sup>89</sup>

Responde ba polítika prevensaun konfliktu nian, Governu rasik hari'i tiha ona Dirasaun Nasional Prevensaun Konfliktu Komunitariu – DNPCK iha tinan 2008. Bazeia ba Lei Organika Ministériu Defeza no Siguransa Númeru 31 /2008, loron 13 fulan Agostu. Iha ne'ebé ho misaun importante ida hodi halo supervizaun, halo peskiza, avaliasaun, formasaun no dezenvolve estratejia ba prevensaun konfliktu nia ba comunidade.<sup>90</sup>

Planu anual SES ba tinan 2015 kontinua hatutan husi tinan dahuluk nian hodi fo perioridade ba polítika dezenvolvimentu rekursu umanu no jestaun administrasaun DNPCK hodi bele dezenvolve diak liu tan estratejia ba prevensaun konfliktu. Esforsu hirak ne'e hatudu katak Governu iha komitmentu atu implementa politika Planu Estratejiku Nasional iha area prevensaun konfliktu nian. Iha ne'ebé instala ona ninia rede prevenasaun iha Munisipiu 13 durante ne'e.<sup>91</sup>

Maibe, realidade asaun prevensaun ba konfliktu kontinua sei malahok iha responsabilidade DNPCK nian. Relatoriu nasional no internasional to'o ohin loron kontinua hatama Timor-Leste iha número konfliktu ne'ebé aas, liu liu konfliktu rai, artemarsial no konfliktu sira seluk. Buat hirak kontinua sai dezafiu ida ba polítika prevensaun konfliktu iha Timor-Leste. Pontu fraku ida maka DNPCK rasik infrenta problema iha inval rekursu umanu nian. Durante ne'e DNPCK hetan apoiu serbisu husi rede prevensaun konfliktu ne'ebé estabesidu.<sup>92</sup>

Liga ba frakeza no dezafiu DNPCK, Governu prezisa halo revizaun fila fali ba ejistensia DNPCK kona-bá serbisu prevensaun konfliktu nian no fortifika diak liu tan polisiamentu komunitariu iha

---

<sup>88</sup> Kestaun ne'e sai dezafiu ba kolokasaun OPS iha tinan 2014 maka hanesan transporte, komunikasaun no alojamentu.

<sup>89</sup> Situasaun dizigualidade iha Timor-Leste ne'ebé maka'as fo biban boot hodi kontribui ba konfliktu iha Timor-Leste

<sup>90</sup> Fundasaun Mahein. (2013, Abril 26). Instituisaun Diferente Serbisu Ba Asuntu Hanesan: Entre DNPCK, DHPKS no Departamentu Polisiamentu Komunitaria. Mahein Nia Lian Nú. 50. Disponivel iha: <http://www.fundasaunmahein.org/2013/04/26/instituisaun-diferente-serbisu-ba-asuntu-hanesan-entre-dnpkk-dhpks-no-departamentu-polisiamentu-komunitaria/>

<sup>91</sup> Gusmão Martinha. (2014, Outobru 27). Halakon Konfliktu, Lopes: POLKOM No Autoridade Lokal Tenke Kontrola. Media The Dili Weekly. Disponivel iha: <http://www.thediliweekly.com/tl/news/security-defencejustice/12800-polkom-works-with-local-authorities-to-eliminate-conflict>

<sup>92</sup> RDTL. (2015, Marsu 24). DNPCK REATIVA SERVISU REDE NASIONAL BA PREVENSAN KONFLITU. Dokumentu Ministériu Interior. P2. Disponivel iha: <http://www.minterior.gov.tl/dnpkk-reativa-servis-u-rede-nasional-ba-prevensaun-konfliktu/?print=pdf>



futuru. Tanba intermus rekursu umanu kualifikadu polisiamentu komunitariu barak liu ho DNPPK, no komunidade barak maka hatene tiha ona prezensa polisiamentu komunitariu sei hafasil atu kolabora hamutuk iha serbisu prevensaun konfliktu nian.<sup>93</sup> Dadaun ne'e instituisaun PNTL hahu implementa planu estratejiku 2014 -2018 hodi koloka OPS 442 iha suku sira iha teritoriu Timor-Leste hodi hala'o serbisu polisiamentu komunitariu nian.<sup>94</sup>

## 6. Jestaun Fronteira no Serbisu Migrasaun

Politika jestaun fronteira no Serbisu Migrasaun sai pontu prinsipal mos iha politika PEDN. Governu sei fornese formasaun ba Serbisu Migrasaun – SM no Unidade Polisia Maritima – UPM atu nune'e bele responde ameasa trans-nasional ne'ebé hakat fronteira terestre no maritima.<sup>95</sup> Durante ne'e, Governu monta ona postu integradu iha fronteira terestre maka kompostu husi SM, Karantina, Afandega, UPF Dirasaun Nasional Transporte no Trestre - DNTT.<sup>96</sup> Iha fronteira martima kontrolu husi polisia maritima no KN – F-FDTL.<sup>97</sup>

Planu jestaun no kontorlu fronteira terestre, durante ne'e Governu halo ona investimentu barak, liu husi alokasaun orsamentu kada tinan. Maske nune'e, instituisaun sira ne'ebé halo kna'ar iha postu integradu kontinua infrenta problema intermus rekursu umanu, facilidade no ekipamentu ne'ebé bele apoiu ba sira nia serbisu. Ho limitasaun oin-oin ne'ebé instituisaun sira infrenta prejudika ba serbisu iha nivel kontrolu no jestaun fronteira, sai preokupasaun mos ba Parlamentu Nasional.<sup>98</sup>

Ezemplu atribuisaun rekursu umanu UPF ne'ebé la balansu ho area fronteira trestre ne'ebé luan no distansia husi postu ida ba postu seluk ne'ebé dook, implika ba serbisu kontrolu nian.<sup>99</sup> Nune'e mos menus facilidade no ekipamentu ba serbisu Alfandega no SM (makina "screening") ne'ebé la iha sai obstaklu boot ba efektividade serbisu kontrolu iha liña fronteira.<sup>100</sup> Faktus barak hatudu movimentu ilegal sira kontinua hakat fronteira ho fasil hodi halo kontra-bandu, hatama droga no sasan militar seluk ne'ebé bele fo ameasa siguransa nasional.<sup>101</sup>

<sup>93</sup> Diak liu tan iha integrasaun instituisaun Governu sira ne'ebé hanesan halo serbisu ba asuntu hanesan hodi nune'e la bele halo konfunzaun iha komunidade.

<sup>94</sup> OPS hirak ne'e sei serbisu hamutuk ho Konsellu Suku no rede referal sira ne'ebé serbisu ba prevensaun konfliktu nian hodi rezolve no prevene konfliktu iha baze

<sup>95</sup> RDTL. (2011). Rekursu Umanu Gestaun Fronteira no Imigrasaun. Dokumentu PEDN. P198

<sup>96</sup> Fundasaun Mahein. (2014, Outobru 23). Sasidik no Tentativa Siguransa iha Fronteira Terestre Timor-Leste. Mahein Nia Lian Nú 88. P11. Disponivel iha: [http://www.fundasaunmahein.org/wp-content/uploads/2014/10/MNL-Nu.88\\_231012014\\_Siguransa-Fronteira\\_Versaun-Tetum.pdf](http://www.fundasaunmahein.org/wp-content/uploads/2014/10/MNL-Nu.88_231012014_Siguransa-Fronteira_Versaun-Tetum.pdf)

<sup>97</sup> Durante ne'e siguransa martima Timor-Leste iha Komponente Naval no Polisia Maritima nia kontrolu

<sup>98</sup> Alm. (2014, Juñu 25). PN Kestiona Servisu Alfandega Fronteira. Media Diariu Nasional. Disponivel iha: <http://www.jndiario.com/2014/06/25/pn-kestiona-servisu-alfandega-fronteira/>

<sup>99</sup> Preokupasaun membru UPF iha fronteira (Suai, Batugade no Oe-Cusse) ba Fundasaun Mahein wainhira halo monitorizasaun iha fulan Outobru tinan 2014.

<sup>100</sup> Fundasaun Mahein. (2014, Outobru 23). Sasidik no Tentativa Siguransa iha Fronteira Terestre Timor-Leste. Mahein Nia Lian Nú 88. P11. Disponivel iha: [http://www.fundasaunmahein.org/wp-content/uploads/2014/10/MNL-Nu.88\\_231012014\\_Siguransa-Fronteira\\_Versaun-Tetum.pdf](http://www.fundasaunmahein.org/wp-content/uploads/2014/10/MNL-Nu.88_231012014_Siguransa-Fronteira_Versaun-Tetum.pdf)

<sup>101</sup> Tempo Semanal. (2010, Dezembru 03). Eis Milisia Ho Eis TNI Hatama Droga Mai TL. Disponivel iha: <http://temposemanaltimor.blogspot.com/2010/12/eis-milisia-ho-eis-tni-hatama-droga-mai.html>



Problema fronteira nu'udar asuntu siguransa ne'ebé krusial ba Estadu soberania ida. Tanba ameasa siguransa esterna sempre liu husi fronteira. Presiza iha política hodi halo jestaun no kontrolu ne'ebé diak hodi satan ameasa hirak ne'ebé bele estraga soberania Nasaun no povu. Liu husi SM ne'ebé efetivu no efikasias hodi kontrolu liña fronteira tuir Lei Migrasaun no Ajilu Política nian.<sup>102</sup>

Parte seluk, atu halo jestaun no kontrolu diak fronteira martima Timor-Leste, Governu mos halo investimentu maka'as ba UPM no KN – F-FDTL. Liu-liu infra-estrutura, fasilidade no rekursu umanu. Durante V Governu halo ona esforsu balun liu husi planu anual no kooperasaun bilateral hodi apoiu serbisu UPM no Komponente Naval F-FDTL. Tinan 2014, Estadu Unidus fo apoiu orsamentu ba UPM hodi hadi'a ponte kais no sosa ekipamentu hanesan radio komunikaun, *jaket life*, minoklu, tudik, lampada hodi uza ba serbisu kontrolu martima.<sup>103</sup>

Parte Komponente Naval F-FDTL rasik iha ona infra-estrutura, ekipamentu no fasilidade inklui rekursu umanu ne'ebé naton. Liu husi kooperasaun defeza entre Timor-Leste no nasaun estranjeiru sira fo apoiu maka'as iha dezenvolvimentu rekursu umanu, infra-estrutura no lojistika. Maibe kondisaun balun kontinua sai obstaklu ba serbisu Naval hodi halo patrollamentu ho diak. Hanesan roo-lansa Naval labele hakur tasi-mane hodi kontrola fronteira maritima husi ameasa peska ilegal sira ne'ebé durante ne'e na'ok riku-soin iha tasi Timor.<sup>104</sup>

Hare'e husi esforsu V Governu durante ne'e, pelemenus hahu ona implementa politika PEDN hodi kria kondisaun ba instituisaun siguransa no defeza, partikularmente Serbisu Migrasaun, UPF no Naval hodi kontrola diak liu tan fronteira terestre no maritima Timor-Leste. Governu la'os deit kria kondisaun maibe mos presiza rezolve lalais liña fronteira terestre no maritima hodi nune'e bele iha definisaun klaru ba area kontrola ba Timor-Leste.

FM suporta maka'as VI Governu ne'e dadaun esforsu hela ho Indonezia hodi define liña fronteira terestre.<sup>105</sup> Ho nune'e, instituisaun UPM no Komponente Naval F-FDTL halo definisaun mapa navigasaun ne'ebé bele hapar ho area fronteira maritima hodi halo kontrolu efikasias ba

<sup>102</sup> RDTL. (2003, Outubro 15). Immigration and Asylum Law of 2003 (LIA). Disponivel iha: [http://migracao.gov.tl/?page\\_id=112](http://migracao.gov.tl/?page_id=112).

<sup>103</sup> Sequera, Jacinta. (2014, Juñu 12). Embaixada Amerika Apoia Osan no Ekipamentu ba UPM. Media STL. Disponivel iha: <http://jornal.suara-timor-lorosae.com/embaixada-amerika-apoia-osan-no-ekipamentu-ba-upm/>

<sup>104</sup> Fundasaun Mahein. (2014, Feveireu 13). Peska Ilegal: Ameasa no Obstaklu ba Instituisaun Siguransa. Mahein Nia Lian Nú. 69. Disponivel iha: [http://www.fundasaunmahein.org/wp-content/uploads/2014/02/MNL\\_Nu.69\\_13022014\\_Peska1.pdf](http://www.fundasaunmahein.org/wp-content/uploads/2014/02/MNL_Nu.69_13022014_Peska1.pdf)

<sup>105</sup> FJR. (2015, Abril 18). Indonesia dan Timor Leste Sepakat Rampungkan Isu Perbatasan. Media MetroTV. Disponivel iha: <http://internasional.metrotvnews.com/read/2015/04/18/387780/indonesia-dan-timor-leste-sepakat-rampungkan-isu-perbatasan>



liña marítima nian. To'o ohin lora Timor-Leste seidauk iha Mapa propriu ida kona-bá navigasaun nian atu nune'e bele difini liña marítima nian.<sup>106</sup>

## 7. Estabilidade no Siguransa Públiku

Timor-Leste nu'udar Nasaun ne'ebé foin kore-an husi konflitu automatikamente Governu no Estadu iha mehi boot atu asegura estabilidade no siguransa ba ninia povu no Nasaun. Nu'udar mensiona iha Konstituisaun Repúblika Demokratika Timor-Leste – KDRTL no lejislasaun sira seluk ne'ebé relasaun ho siguransa no defeza nian. Tanba estabilidade no siguransa públiku responsabilidade masimu Governu no Estadu Timor-Leste nian.

Atu bele termina no responde ba ujensia ida ne'e, Governu afirma nia pozisaun política liu husi planu estratejiku ba longu prazu nian, hodi halo investimentu ba seitór siguransa atu bele garante situaun paz no hakmatek povu nian.

Liu husi planu anual, Governu tau perioridade ba asunto estabilidade no siguransa públiku liu husi kapasitasaun rekursu umanu, fortifika lejislasaun, hari'i infra-estrutura, fasilidade no ekipamentu, hadi'a jestaun no administrasaun, hametin kualidade serbisu membru polisial nian.<sup>107</sup>

Husi investimentu hirak ne'e hatudu katak Governu hahu ona implementa política PEDN maske sei iha obstaklu barak ba instituisaun siguransa atu asegura estabilidade no siguransa públiku iha Timor-Leste. Faktus barak, to'o ohin lora konflitu kontinua mosu entre juventude, geng bairu no grupu artemarsial maske ninia eskalasaun iha nvel ne'ebé kiik no ladun perigozu.<sup>108</sup> Iha 2014, konfrontu entre juventude iha Pantai Kelapa hodi rezulta ema na'in rua kanek todan.<sup>109</sup> Nomos kazu ataka malu iha Hera ne'ebé rezulta ema mate.<sup>110</sup> Inklui mos kazu oho malu entre grupu artemarsial iha Munisipiu Baucau, tinan 2014 no 2015 nia laran.<sup>111</sup> Inklui situaun seluk to'o agora sai preokupasaun sosiedade tomak nian hodi provoka nafatin estabilidade nasional.

<sup>106</sup> Nasimento, Miro. (2014, Novembru 05). TL Presija Mapa Navigasaun Propriu Hodi Protese Tasi Laran. Media STL. Disponivel iha: <http://jornal.suara-timor-lorosae.com/tl-presija-mapa-navigasaun-propriu-hodi-protese-tasi-laran/>

<sup>107</sup> Son. (2013, Agostu 16). Governu Sei Tau Kondisaun Diak Ba Polisia UEP. Media STL. Disponivel iha: <http://jornal.suara-timor-lorosae.com/governu-sei-tau-kondisaun-diak-ba-polisia-uep/>

<sup>108</sup> Faktus konkretu sira maka iha lora 2 fulan Juñu tinan 2015 mosu konflitu entre juventude iha Comoro (hudi-laran ne'ebe rejulta mane ida kanek todan tanba hetan ta'a iha ulun. Konflitu ne'e dekonfia involve mos membru PNTL. Disponivel iha: <https://www.facebook.com/fundasaunmahein/posts/985094498176142>

<sup>109</sup> Ferreira, Sonia. (2014, Juñu 27). Joven Sira Baku Malu Iha Pantai Kelapa, Nain Rua Kanek. Media STL. Disponivel iha: <http://jornal.suara-timor-lorosae.com/joven-sira-baku-malu-ih-pantai-kelapa-nain-rua-kanek/>

<sup>110</sup> May. (2014, Jullu 30). Grupo Joven Asalta Malu, Ema Ida Mate. Media Diariu Nasional. Disponivel iha: <http://opinitimor.blogspot.com/2014/07/oho-malu-grupo-joven-asalta-malu-ema.html>

<sup>111</sup> Media Tempo Semanal (2015, Janeiro 07). PSHT ho Kera Sakti Festa Oho Malu, TMR Triste.. Disponivel iha: <http://www.temposemanal.com/desportu/tag/PSHT%20%20Kera%20Sakti%20Oho%20malu%20Baucau>





## 8. Polítika Integradu Defeza no Siguransa

Timor-Leste adopta konseitu siguransa polítika siguransa intergradu ida hodi bele satan ameasa esterna no interna. Liu husi dokumentu PEDN Governu mos kontinua atu hametin no promove polítika intergradu defeza no siguransa nu'udar mensiona iha Lei Siguransa Nasional ne'ebé preve kona-bá kriaun sistema integradu ba siguransa nasional.<sup>112</sup>

Pratika husi politika integradu defeza no siguransa durante ne'e la'o ho diak iha nivel koordinasaun entre instituisaun siguransa no defeza. Liu husi Operasaun Konjunta no serbisu umanitariu seluk ne'ebé durante ne'e responde integradu husi instituisaun siguransa no defeza. Asaun hirak ne'e parte nu'udar pontu pozitivu husi pratika polítika estratejiku nasional hodi bele eleva diak liu tan prezensa instituisaun estadu intermus siguransa ba povu no Nasaun.<sup>113</sup>

Pontu dezafiu balun maka to'o ohin loron Timor-Leste seidak iha dokumentu politika kona-bá Polítika Siguransa Nasional – PSN hodi orienta no define serbisu integradu politika defeza no siguransa hodi responde ameasa esterna no interna ba soberania Nasaun no moris hakmatek povu nian. Maske iha ona diskusaun kona-bá PSN iha tinan hirak liu ba, kontinua paradu to'o ohin loron.<sup>114</sup>

Kestaun seluk maka seidak estabese Autoridade Nasional Martima - AMN ida hodi kordena serbisu siguransa iha tasi Timor. Buat hirak ne'e sai dezafiu boot ba iha nivel kordenasaun hodi halo sigurasan integradu ba maritima Timor-Leste. Nune'e mos defisil atu organiza no kordena malu waninhira comunidade internasional husu apoiu Timor-Leste, liu-liu dezastre iha tasi, roo mout ka aviaun monu.<sup>115</sup> VI Governu presiza tau atensaun ba asuntu hirak ne'e, liu-liu asuntu polítika siguransa nasional no Autoridade Nasional Martima.

## 9. Polítika Siguransa no Jeo-estrategjika Martima

Jeografikamente Timor-Leste ne'ebé sikat-leet iha rejiaun boot rua hanesan Azia Pasifiku no Sudeste Aziatiku sai asuntu importante ba Governu Timor-Leste hodi define ninia polítika siguransa no jeo-estrategjiku maritima nian. Timor-Leste nu'udar Nasaun foun ho ninia area

---

<sup>112</sup> RDTL. (2011). Polítika Integradu Defeza no Siguransa. Dokumentu PEDN. P201.

<sup>113</sup> Monitorizasaun FM hatudu katak iha progresu kordenasaun integradu entre instituisaun polisial no militar durante ne'e la'o diak.

<sup>114</sup> Fundasaun Mahein rasik halo diskusaun barak ona ho entidade barak no sei produz relatoriu ida kona-bá PNTL tuir versaun Sosiadade Sivil nu'udar parte ida atu kria lidun ba diskusaun publiku iha Timor-Leste

<sup>115</sup> Hanesan nasaun viziñu Indonezia (Badan SAR Nasional / *Search And Rescue/SAR*) ne'ebe durante ne'e lidera ka toma-konta ba dezastre sira iha martima nian.



maritima ne'ebé luan ho riku-soin tasi ne'ebé barak, iha responsabilidade boot hodi define ninia politika siguransa hodi asegura soberania maritima Timor-Leste nian.<sup>116</sup>

Hare'e husi konstelasaun jeo-politika no jeo-estrategjiku, Timor-Leste hanesan Nasaun foun automatikamente la bele hamrik mesak hodi responde ameasa global sira iha maritima. Ho ameasa global hirak ne'e fanun Nasaun hotu-hotu iha mundu hodi hametin relasaun bilateral iha seitór importante sira, partikularmente seitór siguransa nian. Nu'udar Nasaun foun, Timor-Leste kontinua kria lasu amizade ho Nasaun sira iha rejiaun ASEAN no Pasifiku hodi bele satan ameasa sira iha maritima Timor-Leste.<sup>117</sup>

Iha ne'ebé durante ne'e Governu Timor-Leste liu husi kooperasaun defeza kontinua hametin relasaun diak ho Nasaun sira iha rejiaun Pasifiku no Sudeste Aziatiku. Liu-liu Amerika, Xina, Australia, Japaun, Korea du Sul, Indonezia, Nova Zelandia no seluk tan atu asegura siguransa maritima. Durante ne'e, liu husi kooperasaun trilateral, Indonezia, Timor-Leste no Australia sempre halo patrullamentu konjunta iha area maritima nian.<sup>118</sup>

Komitmentu polítika kooperasaun hirak ne'e hatudu sinal pozitivu ba Timor-Leste intermus kontribui ba polítika siguransa no jeo-estrategjiku maritima nian iha rejiaun Pasifiku no Sudeste Aziatiku. Maibe presiza VI Governu tau konsiderasaun ba problema liña fronteira maritima Timor-Leste nian ho Nasaun Indonezia no Australia.<sup>119</sup> Tanba problema fronteira maritima Timor-Leste ne'ebé ninia identidade kontinua la klaru bele mos fo implikasaun ba polítika siguransa no jeo-estrategjiku maritima nian.

## Rekomendasaun

Polítika dezvoltimentu seitor siguransa Timor-Leste define tiha ona iha dokumentu estrategjiku nasional PEDN 2011 - 2030. Iha ne'ebé define ona metas ba dezvoltimentu tuir ninia sub-seitoral sira iha planu estrategjiku refere. Durante ne'e, Governu hahu ona implementa polítika PEDN hodi dezvoltolve seitór siguransa, partikularmente PNTL, F-FDTL no instituisaun relevante seluk ne'ebé tutela ba seitór siguransa. Maibe, periodu faze konsolidasaun instituisaun nu'udar vizaun husi polítika PEDN to'o agora seidak atinji. Intermus infra-estrutur, rekursu umanu, lejislasaun no asuntu sira seluk ne'ebé kontribui ba dezvoltimentu seitór siguransa barak sei falta.

<sup>116</sup> Fundasaun Mahein. ( 2013, Setembru 27). Progresu no Dezafiu Kooperasaun Defeza Timor-Leste. Mahein Nia Lian Nú. 59. Disponivel iha: [http://www.fundasaunmahein.org/wp-content/uploads/2013/09/MNL\\_Nu.59\\_27092013\\_Kooperasaun-Defezapdf1.pdf](http://www.fundasaunmahein.org/wp-content/uploads/2013/09/MNL_Nu.59_27092013_Kooperasaun-Defezapdf1.pdf)

<sup>117</sup> Fundasaun Mahein. (2013, Setembru 27). Progresu no Dezafiu Kooperasaun Defeza Timor-Leste. Mahein Nia Lian Nú. 59. Disponivel iha: [http://www.fundasaunmahein.org/wp-content/uploads/2013/09/MNL\\_Nu.59\\_27092013\\_Kooperasaun-Defezapdf1.pdf](http://www.fundasaunmahein.org/wp-content/uploads/2013/09/MNL_Nu.59_27092013_Kooperasaun-Defezapdf1.pdf)

<sup>118</sup> Akordu trilateral entre Australi, Indonezia ho Timor-Leste ne'e asina ona akurdo iha tempu Governasaun Aliansa Maioria Parlamentar – AMP no dalabarak ona halo patrullamentu konjunta iha fronteira maritima.

<sup>119</sup> Tempo Semanal. (2015, Abril 16). RI Minta TL Memulai Perundingan Batas Laut. Disponivel iha: <http://www.temposemanal.com/lautem/tag/Perbatasan%20Laut%20Australia%20dan%20TimorLeste>.



1. Rekomenda ba VI Governu Konstituisional kontinua dezenvolve infra-estrutura ba instituisaun PNTL no F-FDTL. Ho mekanismu kontrolu ne'ebé diak atu nune'e bele garante transparansia no boa-Governasaun.
2. Rekomenda ba VI Governu Konstituisional kontinua fortifika rekursu umanu liu husi formasaun no treinamentu polisial no militar tuir nesesidade instituisaun agora no futuru atu nune'e bele sai polisia no militar ne'ebé profesional no modernu.
3. Rekomenda ba Governu kontinua hametin kooperasaun bilateral hodi nune'e bele fo apoiu ba dezenvolvimentu seitor siguransa Timor-Leste nian.
4. Rekomenda ba Governu estabelese Autoridade Nasional Maritima no define Polítika Siguransa Nasional hodi nune'e bele implementa polítika siguransa integradu ho diak tuir metas PEDN nian.



## Bibliografia

- Buletin das F-FDTL. Vol. 286. (2012, Agostu 18 - 19). Treino Conjunto Entre Forças Hosi Países CPLP iha Angola ho naran “ EXERCICIO FELINO”. P20-21.
- De Jesus Afonso. (2015, Marsu 17). Eis Adjuntu Komandante PNTL. Entrevista Pesoal.
- Freitas, Jeronimo. (2015, Marsu 19). CD Politika Internasional no Kooperasaun Defeza. Entrevista Pesoal.
- Fundasaun Mahein. (2014, Feveireiru 13). Peska Ilegal: Ameasa no Obstaklu ba Instituisaun Siguransa. Mahein Nia Lian Nú. 69. Disponivel iha: [http://www.fundasaunmahein.org/wpcontent/uploads/2014/02/MNL\\_Nu.69\\_13022014\\_Peska1.pdf](http://www.fundasaunmahein.org/wpcontent/uploads/2014/02/MNL_Nu.69_13022014_Peska1.pdf).
- Fundasaun Mahein. (2014, Outobru 23). Sasidik no Tentativa Siguransa iha Fronteira Terestre Timor-Leste. Mahein Nia Lian Nú 88. P11. Disponivel iha: [http://www.fundasaunmahein.org/wp-content/uploads/2014/10/MNL-Nu.88\\_231012014\\_Siguransa-Fronteira\\_Versaun-Tetum.pdf](http://www.fundasaunmahein.org/wp-content/uploads/2014/10/MNL-Nu.88_231012014_Siguransa-Fronteira_Versaun-Tetum.pdf).
- Fundasaun Mahein. (2013, Abril 26). Instituisaun Diferente Serbisu Ba Asuntu Hanesan: Entre DNPCK, DHPKS no Departementu Polisiamentu Komunitaria. Mahein Nia Lian Nú. 50. Disponivel iha: <http://www.fundasaunmahein.org/2013/04/26/instituisaun-diferente-serbisu-ba-asuntu-hanesan-entre-dnpkk-dhpkks-no-departementu-polisiamentu-komunitaria/>.
- Fundasaun Mahein. (2012, Agostu 06). Politika Ministériu Defeza no Siguransa Periodu 2007 – 2012. Disponivel iha: [http://www.fundasaunmahein.org/wpcontent/uploads/2012/08/MNH\\_02-06082012.pdf](http://www.fundasaunmahein.org/wpcontent/uploads/2012/08/MNH_02-06082012.pdf).
- Fundasaun Mahein. (2014, Setembru 30). Proposta Orsamentu Jeral Estadu (OJE) 2015 ba Polisiamentu Komunitariu. Mahein Nia Lian Nú 89. P5. Disponivel iha: [http://www.fundasaunmahein.org/wpcontent/uploads/2014/10/MNL\\_Nu.89\\_30102014\\_OJE-2015.pdf](http://www.fundasaunmahein.org/wpcontent/uploads/2014/10/MNL_Nu.89_30102014_OJE-2015.pdf).
- Institute For Security And Sustainability. (2013). Defence Cooperation Program (DCP) Timor-Leste. Disponivel iha: <http://nautilus.org/publications/books/australian-forces-abroad/easttimor/defence-cooperation-program-dcp-timor-lest/#axzz2NqfXTPL3>.
- Media Diariu Nasional. (2014, Maiu 30). Komando F-FDTL Demite Membru 19. Disponivel iha: <http://www.jndiario.com/2014/05/30/komando-f-ftdl-demite-membru-19>.



- Media Diariu Nasional. (2014, Novembru 27). Portugal Kapasita F-FDTL Ba Akademia Militar. Disponivel iha: <http://www.jndiario.com/2014/11/27/portugal-kapasita-f-fdtl-ba-akademia-militar/>.
- Media Diariu Nasional. (2014, Juñu 25). PN Kestiona Servisu Alfandega Fronteira. Disponivel iha: <http://www.jndiario.com/2014/06/25/pn-kestiona-servisu-alfandega-fronteira/>.
- Media Timor Roman (2013, Feveireiru 04). F-FDTL Sei Rekruta Membro 600.. Disponivel iha: <http://timoroman.com/f-fdtl-sei-rekruta-membro-600/>.
- Media MetroTV. (2015, Abril 18). Indonesia dan Timor Leste Sepakat Rampungkan Isu Perbatasan. Disponivel iha: <http://internasional.metrotvnews.com/read/2015/04/18/387780/indonesia-dan-timorleste-sepakat-rampungkan-isu-perbatasan>.
- Media The Dili Weekly. (2014, Outobru 27). Halakon Konfliktu, Lopes: POLKOM No Autoridade Lokal Tenke Kontrola. Disponivel iha: <http://www.thediliweekly.com/tl/news/security-defencejustice/12800-polkom-works-with-local-authorities-to-eliminate-conflict>.
- Media STL. (2013, Jullu 22). Membrus PNTL Nain 3 Ba Misaun ONU Iha Guinea Bissau. Disponivel iha: <http://suara-timor-lorosae.com/membrus-pntl-nain-3-ba-misaun-onu-iha-guinea-bissau/>.
- Media STL. (2013, Dezembru 17). Governu Kontinua Hadia Infra Estrutura Ba PNTL. Disponivel iha: <http://jornal.suara-timor-lorosae.com/governu-kontinua-hadia-infra-estrutura-ba-pntl/>.
- Media STL. (2014, Janeiru 22). OJE 2014, SED Tau Periodade ba Infra-estrutura F-FDTL. Disponivel iha: <http://jornal.suara-timor-lorosae.com/oje-2014-sed-tau-periodade-ba-infra-estrutura-f-fdtl/>.
- Media STL. (2014, Novembru 05). TL Presija Mapa Navigasaun Propriu Hodi Protese Tasi Laran. Disponivel iha: <http://jornal.suara-timor-lorosae.com/tl-presija-mapa-navigasaun-propriu-hodi-protese-tasi-laran/>.
- Media STL. (2014, Juñu 12). Embaixada Amerika Apoia Osan no Ekipamentu ba UPM. Disponivel iha: <http://jornal.suara-timor-lorosae.com/embaixada-amerika-apoia-osan-no-ekipamentu-ba-upm/>.
- PNTL. (2014, Setembru 07). TLPDP entrega karreta 10 no motor 3 ba PNTL. Media PNTL. Disponivel iha: <http://www.pntl.tl/2014/09/17/tlpdp-entrega-karreta-10-no-motor-3-ba-pntl/>.



- PNTL. (2015, Fevereiro 03). Embaxadora EUA ba TL entrega motorizadas 15 ba PNTL. Media PNTL. Disponivel iha: <http://www.pntl.tl/2015/02/03/embaxadora-eua-ba-tl-entrega-motorizadas-15-ba-pntl/>.
- Radio Liberdade. (2011, Jullu 16). Membro F-FDTL 12, Partisipa Forsa Manutensaun Paz iha Libanon. Disponivel iha: <http://www.radioliberaldedili.com/notisia/107-membro-f-fdtl-12-partisipa-forsa-manutensaun-paz-ih-libanon>.
- RDTL. (2015, Marsu 24). DNPCK REATIVA SERVISU REDE NASIONAL BA PREVENSAUN KONFLITU. Dokumentu Ministeriu Interior. P2. Disponivel iha: <http://www.minterior.gov.tl/dnpkk-reativa-servisu-rede-nasional-ba-prevensaun-konflitu/?print=pdfz>.
- RDTL. (2003, Outubro 15). Immigration and Asylum Law of 2003 (LIA). Disponivel iha: [http://migracao.gov.tl/?page\\_id=112](http://migracao.gov.tl/?page_id=112).
- RDTL. (2012, Marsu 12). Japaun sei kontinua fó apoio ba Timor-Leste. disponivel iha: <http://timor-leste.gov.tl/?p=6632&lang=tp>.
- RDTL. (2011, Maiu 17). Kandidatu 600 selesionadu atu inkorpora iha F-FDTL. Disponivel iha: <http://timor-leste.gov.tl/?p=5034&lang=tp>.
- RDTL. (2010, Novembru 30). Timor-Leste ho Brazil koopera iha área Defeza. Portal Governu. Disponivel iha: <http://timor-leste.gov.tl/?p=4370&lang=tp&n=1>.
- SAPO. (2012, Outubro 02). OJE 2013, Governu Sei Investe Maka'as ba PNTL. Disponivel iha: <http://noticias.sapo.tl/tetum/info/artigo/1273141.html>.
- Tempo Semanal. (2010, Dezembru 03). Eis Milisia Ho Eis TNI Hatama Droga Mai TL. Disponivel iha: <http://temposemanaltimor.blogspot.com/2010/12/eis-milisia-ho-eis-tni-hatama-droga-mai.html>.
- Tempo Semanal. (2015, Abril 16). RI Minta TL Memulai Perundingan Batas Laut. Disponivel iha: <http://www.temposemanal.com/lautem/tag/Perbatasan%20Laut%20Australia%20dan%20TimorLeste/>.
- Tempo Semanal. (2014, Novembru 25). Portugal Apoiu Ona Forca Naval no Sei Apoiu Harii Forca Aero F-FDTL. Disponivel iha: <http://www.temposemanal.com/seguransa-defesa/portugal-apoiu-ona-forca-naval-no-sei-apoiu-harii-forca-aero-f-fdtl>.